

TIENG LO LIK TIANG.

TA1980.3

10.4

FOOCHOW CITY :
PRINTED BY THE ROMANIZED PRESS.

—
1905.

A portion of
Pilgrims' Progress.
Translated by
Ling Caik-²hiō
Class of 1912 - Fochow College

TA 1980.3/10.4
HARVARD-YENCHING LIBRARY
HARVARD UNIVERSITY
2 DIVINITY AVENUE
CAMBRIDGE, MASS. 02138


TIENG LO LIK TIANG

SIEU ING.

Tiêng-lô-lik-tiàng, cī siōh-buōng cǔ, sô Dài
Īng guók nẹng Iá-Sǔ-gáu gi muòng-sěng sū
cò gi. Ī gi sáng sô Buōng-ing, miàng lō
Iók-hâng; lǒh Ciō 1628 niềng chók sié. Gáu
đuài ĩng diòng Siông-Dạ cing độ, lǒh 1660
niềng, kéuk áuk guǎng guǒng ĩ lǒh gǎng lǎ
sěk-nê niềng hū òng; đǔ mọ uóng-hâung gi
é-séu, cêu lǒh muô độ gi sǐng gáing chiék.
Iú ciōng-uâng ciōng Séng-gǐng gi lī, cīk
siàng siōh buōng gi cǔ, đǔ sô siék ciā bī-êu,
kěk siōh-iông lī kọ guáng tǔng. Ī ũi-
kéuk gi ôi-chéu, ậ sǎi nẹng káng bô huǎng-
hī; ĩ ũi-ngiềng gi ôi-chéu, ậ sǎi nẹng tẹk
cêu ậ giǎng; bẻng-chiā gá nẹng ciōng-iông
sẻng Siông-Dạ độ-lī, ciōng-iông ciā Iá-Sǔ
gǔng-lò, gǎi-dǒng ciōng-iông chók lik, ciōng
iông gǐng-sẻng; cuoi cǐng-cǐng sê giǎng
tiêng-diô biềng-ék gi diô-gẻng ā. Nâ nẹng
miàng, đẻ miàng, ng sê cǐng-cǐng ô ciā nẹng,
ciā đẻ; nâ bók-guó cióh ciā miàng-mủk, kěk

cuoi gá nẹng báik cing gạeng gā. Tẹk gi
nẹng cê-gã káng ciā miàng, sữ-siōng ciā cê-
ngiê, mọh kẹk ciā cê hâi ciā é. Ỗh tầu
guóng tầu hòng sū gōng, Nguāi cê, cêu sê
Buōng-ing cêu ching gi; hiẹk cê sê bī gǎng
diē; káung dững-gǎng gi máeng, sê bī ceng
dững-gǎng gi sữ-siōng; siōh-gā nẹng sẹung
puái i-siōng, sê bī sié-gǎng nẹng ô cội, mọ
gũng-lộ; i mềng buôi i cê-gã gi chió ngiê,
lā káng gi ciā nẹng, sê ọi buôi sié-sụk hióng
tiếng-lī gi é-sẹu; piǎng siōng-sié ô duái bǎu-
hũk, cêu sê gōng sié-ing mái ô sạ cội, cêu
chiông mái siōh-gā duái bǎu-hũk siōh-iông.
Gó-chū káng Seng-cũ, cêu giǎng dêu-dêu
ciéng, cêu láu mềk-cāi miéh-nộh. Ầ-dạ ngô
guóng dái-liók ỗh-ciōng-uâng sữ-siōng, sê
cāi dīng ậ tẹk-cũ gi nẹng, sīng lā sữ-siōng
sīng cêu huôi-nguô cêu sê. Dǎng tiáng ciā
cũ gi nẹng, i-ging ciōng gáuk guók ùng-cê
huǎng-ik siáng; buōng-lái muôi huǎng-ik
kẹk Dững-guók ùng-cê gi, gáu Hǎng-hững
sǎng-niềng Dững-guók tẹk-cũ nẹng, gạeng
Iá-Sử-gáu gi sīng-sǎng Bīng Gáu-sẹu kǎu lā
huǎng-ik cik siáng siōh-buōng. Lộh Guǎng-
sẹu sẹk-lẹk niềng huǎng-ik guóng ék diớh

Siêu-liăng đòng, gáu Guồng-sêu sãng-sẻk
niềng bô huẩng-ik ciồng buông, gềung-cũng
ngô guóng, iả ềung Lỏ-mả-cê ềng. Nả giẩng
tẻk gi nẻng kẻk cuoi sảung cộ muông gông
gi dải, dẻng-nẻ hiều-dẻk cũ dẻng-gẩng gi ẻ-
sẻu, đử sẻ Sẻng-gẩng cẩng-sẻk iẻu-gẩng gi lử.
Dẩng gỏ-chử cộ siỏh-dẻu gi siều-ỉng lỏh tầu
lả, sải nẻng ả hiều-dẻk ciả lải-iử cẻu ả tở
chỏk ỏ-miều gi lử, iử ciồng-uẩng cẻu cộ ciả
sẻu.



TIENG LO LIK TIANG

GUONG I.

Nguāi giàng lǒh ciā sié-gǎng gi kuōng-iā, ngēu diǒh siǒh-gā ôi-chéu, ô lā Hiék. Nguāi diǒh ciā ôi-chéu káung diǒh kó, cêu có siǒh-ciáh máeng. Máeng lā káng-giéng siǒh-gā neng, ĩ-siǒng cêng puái, kiê diǒh siǒh ôi-chéu, méng buôi ĩ cê-gǎ chió ngiê, cêu káng-giéng ĩ chiū niêng cũ, piǎng lā ô siǒh-ciáh duái bǎu-hǔk. Bô káng-giéng ĩ kǔi cũ lā káng, dēu-dēu ciéng, láu mǎk-cāi; mọ-dǎng-dǒng cê-gǎ géng-cī, cêu duái huák pǐ-ǎi siǎng-ǐng gōng, Nguāi gǎi-dǒng ciǒng-iông có? (Sd. 2: 37.) ĩ gi iông-sék sê ǒh-ciǒng-uâng. Hài u cêu cê-gǎ diǒng kó cêng lǐk ák-cié, ǐng ng ọi muō-giāng káng-giéng ĩ gi chéu-kū; nâ ĩ muōng kū muōng hēng, sák-muōi mọ-dǎng-dǒng sǎng-sǎng diǒh; gó-chū kǎk ciā dâi gâeng ĩ muō-giāng gōng. Cêu gōng, Hieng-chǎ ā, ái-cū ā, nū gi cé-chǐng mọ nǒh gó

chĩng lợh nguāi, dǎng ỉng dǎng dǎng dǎng dǎng
 nguāi, nguāi ciǒng buóh sī ọ! Káuk-sik
 hiēu-dék nguāi gáuk-nẹng gi siǎng dék-dék
 kẹuk tiēng-huōi sū siēu, cộ ciā sēu miěk gi
 nĩk-cī, nguāi gǎng muō-giāng ciǒng buóh
 đũ sī kó, nộ-nộh ng sê ệu-sēng sing siǒh-dèu
 uǎk gi điô kó biē ă? Nâ mậ hiēu-dék ô ciā
 điô mộh?

Ỉ muō-giāng siǒh tiǎng-giēng ciā uâ cēng
 cháuk-ngáuk, cuoi ng sê séng ỉ sū gōng gi
 sê cĩng, siōng ỉ điēng kó; gó-chū gáu nĩk-
 tǎu buóh buáng-buố, gáuk-nẹng cêu gǎng ỉ
 kó káung, sing hẹk-chiā ậ điáng. Nâ ciā
 nẹng guó siǒh buố chiōng nĩk-dǒng siǒh-iōng,
 sing sĩk-sĩk mậ bing-ǎng, káung mậ siǎng
 mĩng, siǒh-buố nâ táng-ké lǎu měk-cāi, gáu
 tiēng guǒng chió điē nẹng li muóng ỉ hộ-ừ?

Ỉ éng gōng, Muōng ỏng muōng mộ bing-ǎng;
 bô kěk siōng máng sū gōng gi uâ bô gǎng
 ỉ gōng, Ỉ chió điē nẹng ng dáung ỉ gi uâ
 cộ sēu é-sēu gōng, Iǒk-sū kěk cing-lĩ káng-
 dái ỉ, hẹk-chiā ậ dụ ỉ gi mộ-bāng. Gó-chū iū-
 sĩ gĩ-chiếu ỉ, hẹk má ỉ, hẹk đũ mộ dáung sēu.
 Ỉng ciǒng-uāng ciā nẹng cêu cê-gǎ sũ-â điē
 búng-diē, siǒh-â kũ cê-gǎ gi cội, siǒh-â kộ-

lèng ĩ chió diē nệng gi mùng-muôi, cêu tá ĩ gi-dō, bô dō-dék siōh-gā nệng chók kọ chềng dồng, hẹk-sê káng cữ, hẹk sê gi-dō. Gũi nĩk dũ ọh ciông-uâng cộ.

Ô siōh huoi nguāi káng-giềng ĩ diōh chềng lā giàng ìng-nguông káng cữ, sīng lā cềng kọ chêu-kū, káng cữ si-hâu ọh ĩ-sềng siōh-iông, kũi siăng duai gáe gōng, Nguāi gãi-dồng ciông-iông cộ ciáh ậ dáik géu? (Sđ. 16: 30.) ĩ cêu cī bềng chêu, hữ bềng chêu siōh-â, chiông buóh bié kọ siōh iông, bô kiê lā, bô ng kọ. Nguāi káng ciā iông sê ìng ĩ mậ-hiêu-dék iủ diê dêu diô kọ.

Hiā si-hâu nguāi cêu káng-giềng siōh-gā nệng miàng giéu Diông-dộ, ciā nệng giàng sềng muóng ĩ gōng, Nữ ciông-gi pĩ-siông nĩ? Ciā nệng éng gōng, Sīng-săng ả, nguāi káng nguāi chiū sū niềng gi cữ, hiêu-dék nguāi dék-dék sī, sī hâu dék-dék sêu sīng-puáng (Hbl. 9: 27). Nâ cê-gã muóng nguāi gi sīng sīk-cái sī, iả ng găng-nguông sīng-puáng, nguāi găng-náng dồng dék. Diông-dộ cêu gầng ĩ gōng, Sié-găng dō-dék kũ-nâng, nữ ciông-gi ng găng-nguông sī nĩ? Ciā nệng éng gōng, Nguāi giàng giềng-táu lā gi duai

bău-hũk ậ dáh nguāi gó giā kọ muó, cêu sê
 sái nguāi hâng lặh dē-nguồh. Sing-săng ā,
 nguāi nâ guồng găng gó đổng mậ kī, huóng-
 chiā cộ ciā sing-puáng tuả gáu lặh sī dē ậ
 đổng đék kī ả? Nguāi siông ciā dái cêu
 siông-sing. Diông-dộ gông, Gé-iông sê ing
 ộh-ciông-uâng iông-gó, ciông-gi gó kiê ciā
 ôi-chệu ng giáng kọ nĩ? Éng gông, Ìng mậ
 hiêu-đék gãi-dổng tếng đặng-nē kọ. Diông-
 độ cêu kẹuk ĩ siồh-buông cũ, hữ-diē gông
 Diồh độ-biê hâu-lái gi hìng-huāk (Mt. 3: 7).

Ciā nệng káng cuoi cêu mễk-ciũ đik-táu chệu
 diông-dộ gông, Nguāi gãi-dổng kọ đặng-nē
 biê nĩ? Diông-dộ cêu chiông chiũ cī kuông-
 iā nghiê-dâu, cêu gông, Hữ-uái cáh muông
 nũ ậ káng-giéng mậ? Cêu gông, Mậ káng-
 giéng. Bô gông, Hữ siồh câng đing-guồng
 (2 Bd. 1: 19 etc.) nũ ậ káng-giéng ả mậ?
 Éng gông, Iók-liők káng đék giéng. Diông-
 độ gông, Hiā guồng nũ gãi-dổng mễk-ciũ
 đik-táu chệu, ék-đik giáng kọ hữ-uái, nũ ciáh
 ô dăng-dổng káng-giéng ciā cáh muông; nũ
 nâ páh muông, đék-đék ô nệng gậng nũ
 gông sũ gãi-dổng giáng gi diô, ciáng chiông
 sī lặ ô gông,

Sŭ-ling huói-nguô ciék ãi-hù,
 Ừk bō ling-hùng tuák cội-gũ,
 Hâng dáik séng-dù diòng hók độ,
 Cī ming liê sŭ ĩk sēng dù.

Nguāi có máeng dŭng-găng káng-giêng
 ciā neng kī-sing bié. Liê ĩ mộ niõh-huông
 ĩ gi muō-giāng káng-giêng ĩ, cêu duai gáe ĩ
 huói-táu. Ciā neng cêu kék lāng-gā chiū iēng
 ngê lā (Lg. 14: 26), đik-táu bié kó, duai
 siāng gáe gōng, Dáik sēng lō! dáik sēng lō!
 ĩ cūng-cūng ng huói-táu chéu (Cs. 19: 17),
 nā hióng bāng-iòng đik-táu bié kó. Hū
 siõh-si hiõng-lī iā chók li káng ĩ, káng-giêng
 ĩ bié cī ká, iā ô neng gi-chiêu ĩ, iā ô neng
 biéng méng má ĩ, iā ô neng gáe ĩ huói-táu.

Gi-dŭng ô lāng-gā neng ék-dēng buóh
 ngāing găng ĩ diōng li. Cī lāng-gā neng gi
 miāng cêu sê Gū-cék gāeng Ê-chiēng. Hū
 siõh-si ciā neng bié iā ô huông lāu, cī lāng-gā
 neng gó lā dui ĩ. Mộ niõh-ông dui diõh, ciā
 neng cêu gōng, Hiõng-lī ā, nū li có sié-nõh
 nĩ? Lāng-gā neng gōng, Nguāi li kuóng nū
 gāeng nguāi cả diōng kó. ĩ cêu gōng, Cuoi
 siõh-uāng-hông có mậ li; ĩng nū gáuk-neng
 dêu diõh Ciōng-uòng siāng, nguāi iā sê chók

sié lǒh hiā ôi-chéu; dǎng hiēu-dék ĩ ciǒng
 buóh miěk-uòng. Gā-sū nū dǒng-dǒng dēu
 lǒh hiā ôi-chéu, sī hāiu dék-dék dôi lǒh bī muó
 gó giā, cēu sē diē dē-nguǒh, liú-huǒng huōi
 siēu gi sū-cái. Hō hiǒng-lī ā, gǎi-dǒng tiǎng
 nguāi, gǎeng nguāi cả kó. Gó-cék cēu gōng,
 Aĩ ā, cuoi ciǒng-iǒng gōng nĩ? Nū nộ-nộh
 ọi nguāi ké kó cī sậ gi bẻng-iū liẻng cữ-
 iǒng gi kuái-lǒk, gǎeng nū cả kó bặh?

Ciā nẻng gi miǎng cēu sē Gĩ-Dók-dủ, ĩ cēu
 ẻng gōng, Ciǎng sē ciǒng-uǎng, ĩng sậ iǒng
 gi nộh, bī nguāi sū giủ gi hók, siǒh-uǎng
 hông mộ-niǎh siǒh-hông. Nū iǒk-sū gǎeng
 nguāi cả kó ừ-guō ậ tǎu-dǎ mộ biẻng-uǎng,
 cēu nguāi sū dáik gi nū iả ậ dáik diǒh; ĩng
 nguāi ciǒng buóh kó gi ôi-chéu, ẻk-chiẻk dủ
 chửng-cẻuk, liẻng iū-ừ, gó mộ-niǎh gǎeng
 nguāi cả kó. Chẻ kǎng nguāi sū gōng gi uả
 sē ng sē sĭk. Gó-cék gōng, Nū gẻ-iẻng
 gǎng-nguông ké ciả siẻ-gǎng, kó giủ ciả nộh,
 gẻu-gẻng sē giủ siẻ-nộh nĩ? Gĩ-Dók-dủ gōng,
 Nguāi sū giủ sē mậ bải-huải, mậ pảh-diẻng
 (1 Bd. 1 : 4—6), mậ hiẻ-chiẻ gi hók cỏng
 diǒh tiẻng lả, huǎng kủng-gĩng giủ gi nẻng
 nĭk-gĩ₂ siǒh gáu, ciǒng buóh dộ kẻuk ĩ. Ciả

cũ ô cái. Muōng ché káng cī buô cũ, cêu-
iòng i-hâu ậ ming-běk.

Gó-cék cêu sài sáng gōng, Diê-nặng ọi
káng ciā cũ? Nū gâeng ng gâeng nguāi cả
diông kó? Cêu éng gōng, Nguāi tiék-sik ng
diông kó; ìng nguāi chiū ìng-ging nieng là
mộ dăng-dōng huoi-táu chêu, (Lg. 9: 62).
Gó-cék gâeng Ê-chiêng gōng, Gé-iòng ciông-
uâng, nguāi gáuk-nặng gãi-dōng liê i diông
kó. Ồh cī siōh dēng hông-diêng gi nặng sū
huák gi dũ sê ngâung, siōng nâ háng dék
cê-gã gó ồh kó běk-nặng. Ê-chiêng gōng,
Mộh má i, ciā nặng sê Gĩ-Dók-dù. Gã-sū i
sū gōng gi sê cing, huoi i sū giú gi dék-dék
sê gáing hō gi. I sê nguāi gi hiōng-lī, nguāi
siōng ọi gâeng i cả kó. Gó-cék gōng, Aĩ ā,
i hông-diêng, nū iâ hông-diêng mộh? Nū
gãi-dōng gũng nguāi cả diông kó; nâ cī
siōh dēng hông-diêng gi nặng, diê-nặng ậ
hiêu-dék i buóh iêu nū kó dặng-nē? Nū
gãi-dōng diông kó, cê-gã ng-tặng cī muāng
ngâung. Gĩ-Dók-dù gōng, Ng-tặng ciông-
uâng giéu i diông, nū gâeng nū bêng-iū iâ
gãi-dōng cả kó. Nguāi cā-sēng sū gōng gi
sik-sik ô ciā dái, cuoi i-nguoi bô ô cēng sậ

guông ìng. Iòk-sū nū nâ mậ sêng, chiāng káng ciā cữ dững-găng sū cái dũ sê cing; ìng sĭk sê cộ ciā cữ gi nệng lău ĩ gi háik céng-giêng ciā dâi (Hbl. 9: 17—20). Ê-chiêng cêu gâeng Gó-cék gōng, Hiông-lī ā, dăng nguāi sĭng ĩ giók lău, nguāi ciông buóh puàng cĭ ciáh hō-nệng cả kộ, gâeng ĩ dững sêu găng kũ, bô gâeng Gi-Dók-dù gōng, Nū bệng-iū ā, kộ cĭ hō gi ôi-chéu, nū ậ mậ báik ciā diô nĭ? Gi-Dók-dù éng gōng, Ô siōh-ciáh diông-dộ, ciā nệng cĭ-sê nguāi gōng, sêng-dău ô siōh-ciáh cách-muông, diõh kạ-kạ cêu kộ. Iòk-sū nâ gáu dôi, ék-dêng ô nệng gá nguāi iũ dặng-nē kộ. Ê-chiêng gōng, Hō hiông-lī ā, gé sê ciông-uâng, nguāi gáuk-nệng gãi-dông cả kộ. Ỗh-ciông-uâng lăng-gā nệng cả kộ. Gó-cék gōng, Nguāi dék-dék diông kộ buông dê-huông, cĭ siōh dêng uông siông gi nệng, nguāi ék-dêng ng gâeng ĩ cộ bõng. Hũ siōh sĭ nguāi káng-giêng Gó-cék ĩ-gĭng diông kộ, Gi-Dók-dù cêu gâeng Ê-chiêng cả giáng ciêng-ciêng lă giáng guó báng-iông sĭ-hâu, cêu gâeng Ê-chiêng gōng, Nū bĭng nguāi sū gōng găng-nguông gâeng nguāi cả kộ, nguāi sĭng cêng huăng-hī. Gā-

sū Gó-cék ậ ộh nguāi huôi-nguô, ciā muôi káng-giéng gi dái, ĩ iā ậ giéng-gáek duái giǎng dék-dék mậ kǐng ụng-ê liê nguāi diông kọ. Ê-chiēng gōng, Dǎng nā nū nguāi dūk-dūk diǒh cữ-uái, chiāng nū gāeng nguāi gōng ciā ciǒng buóh kọ gi ôi-chéu sǎng-niǒh-iông, bô ciǒng-iông có ciáh ậ dáik ciā hók, chiāng siông-sá gōng. Gĩ-Dók-dù gōng, Nguāi pō-pō ậ huôi ciā é; nā mộ dǎng-dǒng kék ciā uā gōng chók li. Nū gế-iông ọi hiêu-dék ciā dái, ciā cữ dǔng sū cái gi nguāi tẹk kéuk nū tiǎng. Ê-chiēng gōng, Ciā cữ sū gōng nū siông dǔ sê cǐng gi bặh? Gĩ-Dók-dù gōng, Káuk-sik dǔ sê cǐng gi. Ĩng có ciā cữ sê cǐng-sik mộ gā gi (Msg. 23: 19). Ê-chiēng gōng, Huoi cêu hō ā, géu-géng ciā cữ sū cái gi dái sê sǎng-miéh-sék nĩ? Gĩ-Dók-dù gōng, Ô siǒh-ciáh ĩng-uông mậ bài-huái gi guók (Ih. 10: 27—29), sėj nguāi neng dáik dǒng-dǒng gữ-céu hữ-uái. Ê-chiēng cêu gōng, Cuoi sê dǐng hō, gi-ự sǎng-niǒh-kuāng nĩ? Gĩ-Dók-dù gōng, Ciǒng buóh sėj nguāi ĩng-iêu gi huá-guǎng lieng guǒng-iêu gi ĩ-siông (Mt. 13: 43), sái nguāi sǐng guǒng-iêu chiông tiēng lǎ nĩk-táu siǒh-iông. Ê-chiēng

gōng, Ỗh-ciōng-uâng sê iā hō ā, gi-ù gó ô miéh-nóh nĩ? Gĩ-Dók-dù éng gōng, Hiā ôi-chéu táu-dā mộ pĩ-ăi, tiè-má chêu-kū, gi siăng-ing, ing hiā ôi-chéu gi Ciō dék-dék tá nguāi chék kó mək-cāi (Ms. 7: 16, 17). Ê-chiêng gōng, Nguāi iők-sū gũ-cêu hiā ôi-chéu, gâeng diê-neng siōh-dôi cộ bông nĩ? Gĩ-Dók-dù gōng, Gâeng tiêng-sêu cả dêu, ỉ gi guồng-chāi ậ dők neng mək-ciũ, bêng-chiā sêng nguāi neng kó hiā ôi-chéu gi neng ô chiêng-chiêng uâng-uâng, nũ kó iā ậ káng-giêng, ỉ dũ mộ sòng hâi, dũ sê sòng tiáng; cĩ sậ neng dũ sê siáng séng, táh-gáik, diêu bái Siông-Dá, dáik Siông-Dá huăng-hĩ, ing-uông kiê lộh Ciō méng-seng. Cũng gōng siōh guó, iők-sū gáu hiā ôi-chéu, dék-dék káng-giêng sêung bảh ỉ-siông, dái gĩng huă-guăng gi lộ ciêng-buói, (Ms. 4: 4), liêng dảng gĩng-king gi séng-dù (Ms. 14: 1—5); bêng-chiā só siông ing tiáng Ciō (Ih. 12: 25) cêu cồng bing Ciō gi mêng (2 G. 5: 2—4), chũi-iông kéuk sié-găng neng cãng-hâi, hək kéuk neng cãng chọi, hək kéuk huoi siêu, hək kéuk iā séu siăh, hək têng lộh hâi lă, dảng ciā neng ỉ-gĩng dáik bing-ăng, sêung ing-sêng gi ỉ-siông, nguāi gáuk-neng

gáu hiā ôi-chéu dék-dék ậ káng-giéng ĩ. Ê-chiêng gōng, tiăng nū sū gōng cing-cing ậ gāng-dông neng gi sīng, nā cī sậ hók-ké guō iòng ậ dáik li ả mạ? bêng-chiā gǎi-dǒng ciǒng-iông kộ hêng ciáh ậ dáik li? Gĩ-Dók-dù gōng, Nū hiêng-cái sū muóng gi hiā ôi-chéu gi Ciō ĩ-gīng ô cái lǒh ciā cữ lā. ĩ dái-liǒk gōng, Ciō huǎng-hī kěk ciā hók sėj nguāi neng (Ih. 6: 37; 7: 37), mi-dǔk ọi nguāi gǎng-nguông sêu nǎk. Ê-chiêng gōng, Hō ả, nguāi tiăng ciā uā sê dīng huǎng-hī. Hō bêng-iū, dǎng gǎi-dǒng kạ-kạ giáng. Gĩ-Dók-dù gōng, ĩng nguāi piǎng mǎi ciā duāi bǎu-hǔk, chũi-iòng sīng ọi kạ siǒh buō, nā mộ dǎng-dǒng.

Hū siǒh-sí nguāi cộ máeng káng-giéng bǎng-iòng dǔng-gǎng, ô siǒh ôi-chéu dũ sê tú-múi-ciǒng, cêu sê miáng lō Iủ-ók-nạ. Lâng-gā neng gōng uóng, chǎi-chǎi giáng gėjung ciā sū-cái, ĩng giáng mộ sạ-nê huók-iòng dǎung lǒh tú-múi-ciǒng hū-diē. Hiā sí-hǎiu luâng ũ, tú-múi-ciǒng diêng-liêng siǒh sīng, Gĩ-Dók-dù ĩng piǎng siông-sié gi bǎu-hǔk dīng dǎeng, muông tềng muông ching. Ê-chiêng gǎeng Gĩ-Dók-dù gōng, Dǎng

nū ciōng-gi iêu gáu ciā ôi-chéu? Gĩ-Dók-dù
 cêu gōng, Nguāi sĭk-sĭk iā mậ hiêu-dék. Ê-
 chiēng giéng ciā diô cī ng hō giáng cêu biéng
 méng sài-sáng gōng, Cuoi cêu sê nū gâeng
 nguāi gōng gi hók ă? Nguāi gáuk-neng
 ciáh-ciáh kī-chiū giáng cêu ngêu diōh ọh-
 ciōng-uâng, hō-huóng iú cữ-uái cái kọ gó
 mậ hiêu-dék bô ô sǎng-niōh-kuāng gi ngui-
 hiēng. Iők-sū nguāi ậ dáik uāk-miāng chók
 ciā ôi-chéu, chũi-ióng ô hō gi ôi-chéu nguāi
 iā mộ mậ siā dék. Nū siōh-gā neng dǎng
 muōng kọ cêu sê. Ĩ cêu huoi-diōng-táu
 hióng ĩ cê-gǎ chió hū bēng, ệung lĭk ọi tiéu
 chók lĭ. Guō-ióng tiéu siōng ciā tũ ching
 diōng kọ, Gĩ-Dók-dù ĩ-hāiu cêu ng káng-
 giéng ĩ. Hū siōh-si Gĩ-Dók-dù diōh iũ-ók-
 nậ dâi-dǒng, siōh-gā neng kók hū diē lậ mĭk,
 cūng-cūng ng sũ-siōng diōng chió gáing gǎ
 miēng lĭk, ciōng-ciōng hióng ciā cǎh muōng.
 Sĭng sê ciōng-uâng siōng, kō-sék sū mǎi gi
 duāi bǎu-hũk dĭng dǎeng mộ dǎng-dǒng tiéu
 chók lĭ.

Ciā si-hāiu nguāi bô cộ máeng káng-giéng
 siōh-gā neng miāng lộ Ỗng-cô, lĭ muóng ĩ
 gōng, Nū kọ-diê diōh cữ-uái nĩ? Gĩ-Dók-

dù gōng, Ô siōh-ciáh diòng-dộ cī-sê nguāi
 gōng, Găi-dồng iù cũ-uái kộ cách-muòng ciáh
 ậ biê ciōng-lái gi hìng-huāk, nguāi ciáh-
 ciáh kī-chiū giàng cêu dâung lộh cũ-uái.
 Öng-cô gōng, Nū ciōng-gi ng káng ciā tù-
 mùi-ciōng dững-găng, iâ ô siōh-bēng. Nū
 gi kã nâ dăk ciā siōh-bēng cêu ậ giàng đék
 guó. Gĩ-Dók-dù gōng, Nguāi giàng kák
 huống-ciōng, ìng ọi ká siōh buô, huāng dâung
 lộh cũ-uái. Öng-cô gōng, Nū chiū chiōng
 chók. Ĩ chiū chiōng chók, cêu kěng ĩ chiū,
 tuã ĩ chók li, kiê lộh sĭk dê lā, (Sp. 40 : 20),
 mêng ĩ hióng sèng cái kộ.

Ciā si-hâu nguāi cêu muóng Öng-cô gōng,
 Iù Ciōng-uòng-siàng kộ hũ-uái cách-muòng gé
 sê đék-dék diōh iù cũ-uái gĩng-guó, kộ-diê
 ciā diô ng siũ-lī báng-tāng sãi nệng hō giàng
 nĩ? Öng-cô gōng, Ciā tù-mùi-ciōng gi sū-
 côi sĭk-sĭk siũ-lī găng-nàng báng-dĭk, cêu sê
 nệng huôi-nguô ĩ cê-gă gi cội, ĩ sĭng-diē sū-
 iū gi cã-dăi, ử-uói, dũ āu lộh ciā ôi-chêu, gó-
 chũ miáng giêu lộ Iũ-ók-uá, bô ìng cội-nệng
 giéng-gáek ĩ ciōng buóh sī-uòng gi cing-hĩng,
 sĭng lā sū-iū iũ-chêu, ói-gêu, ngi-hĕk, ék-
 chiék dũ cêu-cĭk cũ-uái, giék cộ siōh-dôi.

Gó-chū ciā dê-huông cêu siàng có ngái gi
 dê-huông, nâ ciā dê-huông ngái ng sê Ciō
 gi é-séu; (Isa. 35: 3, 4, 8) ìng Ciō có gễng
 gi nẹng báik-cèng cồng gáng-dók sū mềng
 gi hũng-hó siũ-lī ciā dê-huông, dăng i-gĩng
 ô siõh-chiềng báik-báh gui niềng lâu hẹk-
 chiã ô dăng-dồng siũ-lī báng-dĩk dék. Mi-
 duk ô giềng-sék gi nẹng gōng, Iők-sū ọi siũ-
 lī ciā diô báng-dĩk, mọh niáh kọ ệụng Hók-
 ìng gi gáu-hóng, bẻng-chiã nguāi hiều-dék
 ciā gáu-hóng si-siòng iũ séu-huông-hióng
 ông li dềng lọh cũ-uái, cêu sê gā Iũ-ók-nạ gi
 gáu-hóng, gié-sáung ô gui uâng dánh, chiềng
 uâng dánh, nâ cī siõh-dối-giăng gi dê ìng-
 nguông gó sê tú-mũi-ciông gi sū-cái. Bẻng-
 chiã Ciō cī sạ có gễng gi nẹng, gé-iông cềng
 buông-sing sū ậ gi lĩk, tấu-dạ mọ dăng-dồng
 dụ ciā iũ-ók-nạ táh-gáik, nâ sê tú-mũi-ciông
 dai-dồng, bing Ciō gi mềng, cing-cing ô siõh
 bẻng diõh dai-dồng kéuk nẹng hō giăng, bô
 liềng giềng-gó, nâ sê gáu tiềng ử-áng dầung
 ữ si-hâu ciā áuk-cháuk gi tú-mũi-ciông iũ
 séu-huông-hióng gẻuk chók li, i-dé sài ciā
 siõh-bẻng găng-náng káng-giềng, hẹk-chiã iả
 ậ káng dék giềng, dọ-dék-dọ ìng tấu uông-hing

dăk dăng lợh ỉ bồng-biêng. Chũi-iông ô
ciā siǒh-bēng iâ sê mọ đéung êung, dăng-dó
céng dék siǒh sǐng cēng áuk-cháuk, nâ diē
cáh-muông hũ-uái ciáh sê sǐk dê.

Hũ siǒh-sǐ nguāi cọ máeng káng-gieng Ê-
chieng diông chió, ỉ gi hiông-li dũ chók li
káng ỉ, iâ ô neng gieng ỉ diông chió, cêu
chǐng-cáng ỉ sê ọh, iâ ô neng ỉng ỉ kó gǔng
Gĩ-Dók-dù gǎng-nguông cê-gǎ sêu ciā nguī-
hieng, cêu lēng-chiêu ỉ, gōng, Cēng ngāung,
hěk neng gōng, Nũ gé-iông ché giáng ciā
diô, sǐk-sǐk ng-těng ỉng siǒh-dék-giāng iông-
gó cêu siā ké kó, cêu chiêu ỉ dăng siēu. Gó-
chũ Ê-chieng gieng-gáek siēu-lā, hiā si-hāiu
sọi gáuk-neng dǔng-gǎng mọ gǎng nghiăk kī
táu, nâ kǐng-káik-gǎng cêu cọ mọ iéu-gīng
gi iông-sék, cêu cạ gōng, Gĩ-Dók-dù cụng
piāng-âu gĩ-chiêu ỉ.

Dōng ciā si-hāiu Gĩ-Dók-dù dǎng sǐng dũk
hēng huông-huông káng-gieng siǒh-gā neng
téng cheng-dōng giáng li, diū-diū hō, ngēu
diǒh ciā neng miáng Sié-dé, dēu diǒh sũk-
cǐng gi siáng, ciā siáng cēng duái hó-gēung
Gĩ-Dók-dù buōng chéu gi siáng. Ciā neng
pō-pō hiēu-dék Gĩ-Dók-dù gi dāi, ỉng ỉ cāu

liê Ciông-uông siáng. Hū siōh-si neng dū
iông-diông ciã dai, bók-děk Gĩ-Dók-dù buông
chếu ô ciông-uâng diông, cêu sê běk chếu iã
ô neng gōng ciã dai, gó-chū Sié-dé káng-giêng
ĩ siōh diô muông giáng muông táng-ké, hìng-
câung dīng chêu-kū, chōi-dők cī ciáh dék-
dék sê Gĩ-Dók-dù. Ĩng-chū cêu muông ĩ
gōng, Duái gō, ciông-gi ciông-uâng cī muāng
chêu-kū gi iông-sék nĩ? Dọ-dā buóh siông
kó dęg-nē nĩ? Gĩ-Dók-dù gōng, Cĩng-cĩng
ô kū ọ. Sié-siông káung-kū gi neng, mọ kū
gó guó kó nguāi. Nū muông nguāi ciông
buóh kó dęg-nē? nguāi dǎng ché gōng kék
sĩng-sǎng tiǎng. Nguāi sê ciông buóh kó
cáh-muông, nguāi tiǎng-giêng gáu hiã ôi-chếu
dék-dék ô neng cī-sê nguāi diōh ciông-iông
cọ ciáh ậ táung kó ciã duái bǎu-hũk. Sié-dé
gōng, Nū ô muō-giāng mọ nĩ? Éng gōng, Ô
ọ. Ĩng ciã duái bǎu-hũk dǎh nguāi, chūi-
iông ô muō-giāng, mọ dǎng-dǎng gǎeng ĩ
hióng-uâng huò-lők, gėu-gėng ô cêu chiông
mọ siōh-iông (1 G. 7: 29). Sié-dé gōng,
Nguāi iők-sū kuóng nū, nū tiǎng ng tiǎng
nĩ? Éng gōng, Iők-sū kěk hō uā kuóng
nguāi, nguāi cêu tiǎng; ĩng kěk hō uā kuóng

nguāi, cêu sê buō nguāi sū kuók-huāk gi.
 Sié-dé gōng, Nguāi dǎng kuóng nū ciā bǎu-
 hūk nū diǒh gāng-gīng táung lǒh li, nâ ng
 sê ciǒng-uāng ciā sīng cūng mǎ dáik bīng-
 ǎng, bēng-chiā Siōng-Dá sǐu nū cũ iōng gi
 hók, nū iâ mộ dǎng-dǒng dáik li ǎng-hiōng.
 Gĩ-Dók-dù gōng, Nguāi sū giú gi cêu sê ọi
 táung ciā bǎu-hūk; nâ nguāi mộ dǎng-dǒng
 cê-gǎ táung, cêu sê nguāi buōng ôi-chéu iâ
 mộ nệng ậ tá nguāi táung kī; gó-chū nguāi
 dǎng giǎng ciā diô mộ bẻk nộh, nâ ọi táung
 ciā bǎu-hūk. Sié-dé gōng, Diê-nệng mēng
 nū giǎng ciā diô ciáh ậ táung kộ ciā duai
 bǎu-hūk? Cêu éng gōng, Ô siǒh-ciáh nệng,
 kẹuk nguāi káng, ĩ sê siǒh-ciáh cǒng-gó gi
 nệng, ĩ gi miǎng sê Diòng-dộ. Sié-dé gōng,
 Aĩ ā, ĩ kuóng nū giǎng ciā diô bặ? nguāi
 siōng sié-gǎng sū-iū gi diô, dù mǎ chiōng cĩ
 siǒh-déu diô cĩ muāng gǎng-náng ā! Nū
 gā-sū nâ ng tiǎng nguāi, hǎiu nĩk dék-dék
 cêu hiēu-dék. Nguāi káng nū ĩ-gĩng dù ô
 ngệu diǒh lǎu; ĩng nū sīng siōng ô ciā lǔ-
 ók-nǎ diǒh lặ; nâ cuoi bók guó sê giǎng cĩ
 déu diô kī-tǎu sū ngệu gi kũ-nâng. Nū gǎi-
 dǒng tiǎng nguāi, nguāi niềng-gĩ gó duai kộ

nū, nū giàng ciā diô ék-dēng ô ciā lō-kū lō,
 pí-guông lō, gĩ-ngô lō, háng-lēng lō, dō giéng
 lō, áuk séu lō, háik-áng lō, sī-uông lō, gáuk-
 cūng gi cǎi-huô, mō siōh iông mậ gáu. Cuối
 sê káuk-sik gi dái, ô sậ nệng céng-giéng ciā
 dái, nū nộ-nộh ậ ụng-dék tiǎng bòng-ing gi
 uâ cêu gǎng-nguông ng ái-sék cê-gǎ mặhī
 Gĩ-Dók-dú gōng, Sing-sǎng ā, gếu nguāi
 káng, nā nguāi piǎng siông gi bǎu-hũk b?
 nū sū gōng cī sậ gi dái, gó giǎng dék sậ.
 Nguāi siông gǎ-sū ậ táung ciā bǎu-hũk, diô-
 dōng chúi-iông ô ciā kū-nâng, kéuk nguāi
 káng iâ mộ sié-nộh iéu-gīng. Sié-dé gōng,
 Nū mại ciā duái bǎu-hũk kī-táu ciông-iông
 ậ hiêu-dék? Cêu éng gōng, Nguāi tẹk chiū
 lậ cī buô gi cũ, cêu giéng-gáek ô ciā dái.
 Sié-dé gōng, Nguāi iâ sê ciông-uâng siông.
 Cuối sê ô siōh-dēng mộ buông-sệu gi nệng,
 ciông ciā hũ-kệng miêu-mông gi dái bóng
 sīng-diē, hủ-sự luâng siông, ciáng-ciáng
 gǎng nū siōh iông, ing ĩ luâng siông chiông
 diēng, gǎng-nguông mộ ciā nguī-hiēng, muóng
 ĩ ọi giủ sié-nộh, ĩ cê-gǎ huāng mậ hiêu-dék.
 Gĩ-Dók-dú gōng, Nguāi sū ọi dáik gi nguāi
 cê-gǎ ậ hiêu-dék, cêu sê ọi táung ciā duái

bǎu-hŭk, sĭng-diē ậ dáik bĭng-ǎng. Sié-dé
 gōng, Ciā diô cêng kộ nguì-hiēng, nŭ gé sê
 ọi dáik bĭng-ǎng, ciǒng-gì bô li ciā ôi-chéu?
 Iǒk-sŭ nâ tiǎng nguāi gì uâ, nguāi ậ gá nŭ
 diǒh sǎng-niǒh-iông ciáh ậ bĭng ciā sĭng sŭ
 nguông gì. Ỗh-ciǒng-uâng iâ ậ miēng cĭ siǒh
 déu diô gì nguì-hiēng gǎng-kŭ; nâ dáik géu
 gì huǒng-huák iâ sê ụng-ê. Gā-sŭ nâ bĭng
 nguāi gì uâ, bók-dùk ậ miēng sêu gáuk-cŭng
 gì nguì-hiēng, bėng-chiā dáik ciā ǎng-lǒk,
 cuoi nâ sǎi nĭk-nĭk gǎeng hō nệng siǒh dôi
 gŭ-céu, iông-iông gì dái dŭ ậ hǎk nŭ gì
 sĭng-é. Gĭ-Dók-dú gōng, Cĭ-iŭ nŭ sŭ gōng
 gì ọ-miêu chiǎng sĭng-sǎng gōng mĭng, kéuk
 nguāi tiǎng. Sié-dé gōng, Cêu sê diǒh cŭ-uái
 sèng dāu hiǒng-chǒng, ciā hiǒng-chǒng miǎng
 giéu cộ Siŭ-hèng, ô siǒh ciáh Sê-huák, ciā
 nệng cêng dé-hiê, bô ô miǎng-siǎng, ĩ cội ậ
 tá nệng táung kộ ciā dĭng dǎeng gì bǎu-hŭk,
 nguāi chĭng hiêu-dék; bėng-chiā ĩng kéuk
 ciā duái bǎu-hŭk dát lǎ, sĭng-diē gǎeng diēng
 guông hiā sék; ĩ iâ ậ muők nŭ. Kộ giéng
 ĩ, ĩ cêu ậ bǒng-cǎe nŭ, ĩ gì chió liê cŭ-uái
 bók-guó nâ ô sǎng li. Ciā nệng gā-sŭ mộ
 diǒh lǎ ĩ ô siǒh-ciáh giǎng, lǎ mǎu cêng hō,

miàng giéu lō Sik-lā, iā ậ cậ nū gậng ỉ
nòng-bā siōh-iông. Nū gáu hũ-uái ciā bấu-
hũk cậ ậ táung kộ, bẻng-chiā dáik bẻng-
ăng, nū hẻk-chiā gớ mớ sẻng diông kộ buông
siàng, nguāi iā ng kuông nū. Iỏk-sụ dā-
huák nẻng kộ buảng gả-guông li cũ-uái, dẻng
Siũ-hẻng chỏng dẻng-gảng ô kẻng chió chók
cũ, cũ gá iā gửng-dộ, siảh gi nộh cẻng hờ, ỉ
gi gá iā bẻng-ngiẻ, bẻng-chiā hũ-uái hiông-
lĩ dử sẻ liông-sẻng, dử sẻ sẻng sẻng, sẻng
gẻng, gớ-chũ nū gử-cậ hũ-uái gả-buôi ảng-
lỏk. Hũ siōh-sỉ Gỉ-Dỏk-dủ tiảng ciā uā
sẻng-diẻ iủ-ệủ bớk-giỏk, cẻ-gả cậ chỏi-dỏk
gờng, Ciā nẻng gi uā iỏk-sụ sẻ cẻng gi gớ hờ
bẻng ỉ, cậ bớ muông ỉ gờng, Sẻng-sảng ả,
hiā hờ nẻng gi chió ciā diỏ tẻng dẻng-nẻ
giảng nỉ? Siẻ-dẻ cậ cỉ siōh láung gi sảng
cậ sẻ Sả-nải sảng, cậ gờng, Hũ-uái gẻng
sảng nū kảng-gẻng bả? Éng gờng, Nguāi
kảng-gẻng cẻng kộ hửng-mẻng. Siẻ-dẻ gờng
lủ cũ-uái sảng lả siông kộ, tầu siōh gáu hũ
siōh gảng gi chió, cậ sẻ ỉ gi chió. Gỉ-Dỏk-
dủ ộh-ciỏng-uảng cậ liẻ ciā nguỏng diỏ kộ
giủ Sẻ-huák cậ ỉ. Giảng gẻng ciā sảng cậ
chảuk-ngảuk kảng-gẻng ciā sảng-sẻ cẻng

kó gèng, mò gāng céng sèng giǎng siông-sié
 ậ dáh lợh li, gó-chū kiê diàng hũ-uái, ng
 báik ciông-iông có sê hō. Bô sū mại gi bấu-
 hũk bī giǎng nguông diô si-hâu giéng-gáek
 gó dāeng dék sậ, ciā sǎng bô ô huōi-iêng
 siêng chók li. Gĩ-Dók-dù giǎng ậ kẹuk huōi
 siêu, gó-chū tǔng sǎng dēu-dēu-ciéng lâu
 chók cêng sậ gi lēng-gāng, cuoi chiông sī lậ
 ô gōng ;

Gĩ-Dók-dù cụng Sié-dé ngiông,
 Dóng liê ciáng-dộ dai úi tiếng,
 Chũi ụng tuák êng dáik ǎng-lők,
 Cụng sê cội-nũ lī huô diêng.

Hũ siǎh-si Gĩ-Dók-dù duài tọi-huói tiǎng
 Sié-dé gi uâ, bô káng-giéng diông-dộ li, cêu
 ng giéng-gáek muāng méng siêu-lậ. Diông-
 độ ciêng-ciêng giǎng gẹung sèng gáu Gĩ-
 Dók-dù hũ-uái, i gi siông-mâu cêng kó
 ngiêng-sẻuk sǎi nệng ậ giǎng, muóng i gōng,
 Gĩ-Dók-dù nũ ciông-gi li cũ-uái? Gĩ-Dók-
 dù siǎh tiǎng-giéng ciā uâ, mò uâ tẻng éng,
 nâ sǎng-sǎng dīk-dīk kiê lậ. Diông-dộ bô
 gōng, Nguāi sèng-nik diǎh Ciông-uông siǎng
 chiông ngiê ngẹu diǎh siǎh-ciáh nệng duài
 tiê, ciā nệng sê ng sê nũ nĩ? Éng gōng,

Ciáng-sê, cêu sê nguāi. Diòng-dộ gōng,
 Nguāi nộ-nộh mọ gâeng nū gōng kọ cách-
 muóng gi diô téng dặng-nē giáng nĩ? Ỉ éng
 gōng, Ô. Hióng-uâng ciǎng-gi bô liê kọ
 ciā ciáng-diô kọ giáng dâng diô nĩ? Éng
 gōng, Nguāi ciáh-ciáh giáng guó Iũ-ók-nà,
 diū-diū ngêu diǎh siǎh-ciáh neng gâeng
 nguāi gōng, Diǎh sêng-dâu ô siǎh hiǎng-
 chǎng, hū diē ô neng tá nguāi táung kọ ciā
 bâu-hũk. Diòng-dộ muóng gōng, Ỉ sê
 sǎng-miéh-sék gi neng nĩ? Éng gōng, Ỉ
 ciā neng iā ô sũ-ùng, nguāi gâeng ỉ gōng-
 lâung cêng sâ gi uâ, i-dé nguāi gáu sák-muōi
 cêu bing ỉ gi uâ, cêu li ciā ôi-chéu, Ỉng
 káng-giêng ciā sǎng gi hing-sié cī muāng
 gèng, nguāi cêu kiê cữ-uái mọ gāng cêng
 sêng, sĭk-sĭk giǎng nâ dộ lợh li cêu kĕuk ỉ
 dǎh sī. Diòng-dộ gōng, Hiā si-hâiu ciā
 neng gó ô gōng sié-nộh uâ mọ nĩ? Gi-Dók-
 dù gōng, Ỉ muóng nguāi kọ dặng-nē, nguāi
 kĕk ciā dâi gâeng ỉ gōng. Diòng-dộ bô
 gōng, Ciā neng gó ô gōng sié-nộh uâ nĩ?
 Gi-Dók-dù gōng, Ỉ muóng nguāi ô muō-
 giāng ā mọ? nguāi gōng ô, cêu gâeng ỉ gōng
 ỉng nguāi kĕuk ciā duái bâu-hũk dǎh, nguāi

chũi-iông ô muō-giāng, mọ dǎng-dǒng gâeng
 gô-dạ hióng-uāng huò-lǒk. Diông-dộ gōng,
 Ciā nệng gó ô gōng sié-nộh? Éng gōng,
 Mēng nguāi gāng-gīng táung ciā bǎu-hũk.
 Nguāi gâeng ĩ gōng, táung ciā duāi bǎu-hũk
 cêu dáik bing-ǎng, cuoi ciáng-ciáng hǎk
 nguāi sū giú gi. Gó-chũ dǎng nguāi kọ cáh-
 muông, āi-uông siǒh gáu hũ-uái, cêu ậ hiêu-
 dék táung kọ ciā bǎu-hũk gi huák sê sǎng-
 miéh-sék, diǒh hũ-diē dék-dék ô nệng cī-sê
 nguāi. Hũ siǒh-si ciā nệng cêu gōng, ô siǒh
 dêu gi diô bī nũ sū gōng gi gáing hō, ciā
 diô bô sê hǎk-ngi, bô mọ nguī-hiēng, nâ iú
 ciā diô kọ, cêu káng-giéng siǒh-gā nệng cội
 ậ tá nệng táung kọ ciā bǎu-hũk. Nguāi gó-
 chũ séng ĩ, cêu liē nguông diô li cũ-uái, háng
 dék uông cǎ siǒh buô táung ciā duāi bǎn-
 hũk, dệng-ná hiêu-dék siǒh gáu cũ-uái káng-
 giéng ciǒng-uāng gi cing-hing cêu duāi giǎng
 kiê cũ-uái; dǎng mậ hiêu-dék gǎi-dǒng ciǒng-
 iông cộ sê hō.

Dǒng ciā si-hâiu Diông-dộ gōng, Nũ dǎng
 cǎng kiê cũ-uái, nguāi kěk Siông-Dạ gi uā
 cī-sê nũ. Gi-Dók-dù kiê lậ dêu-dêu-ciéng.
 Diông-dộ cêu gōng, Séng-gīng gōng, Diǒh

duai sá-nê, ng-tặng ké ciā diòng mêng gi
 neng, iök-sū nâ ké ciā diòng-mêng gi neng,
 ìng-nguòng mộ dăng-dống miêng ciā hìng-
 huāk; hợ-huóng nguāi gáuk-neng ùi-buôi
 ciā iù tiếng diòng mêng gi Ciō, dặng-nē ô
 dăng-dống biê Ĩ gi hìng-huāk nĩ? Seng-
 gĩng bô ô gōng, Ngiê-ìng iù sêng dáik uāk,
 nâ ciā buôi độ gi neng Nguāi sǐng ng huǎng-
 hī ĩ. Diòng-dộ bô gōng, Nū dăng ké ciā
 cé-cống gi mêng, liê kộ bing-ǎng gi diô, diē
 ciā ngui-hiêng gi dê-huống, chǎ-bók-dộ buóh
 gáu tǐng-lung gi ôi-chéu. Gĩ-Dók-dù sióh
 tiǎng ciā uâ, cêu duai giǎng kī li, gǎe gōng,
 Aĩ ā, nguāi sī lō! cêu nưuk lợh ĩ mêng-seng
 chiông sī sióh iông. Diòng-dộ káng-giêng ĩ
 ộh-ciông-uâng, cêu tuǎ ĩ gi chiū gōng, Seng-
 gĩng ô gōng, Dái-huáng neng huáng sié-nộh
 cội-áuk, ciā cội dũ ậ siá kộ; bô gōng, Dióh
 sêng, dũ ng-tặng kō-ngi. Gĩ-Dók-dù ộh-
 ciông-uâng mǎing-mǎing chĩng-chāng, kiê
 lợh diòng-dộ mêng-seng ìng-nguòng dêu-dêu
 ciêng. Diòng-dộ bô gōng, Nguāi dăng kék
 ciā độ gá nū, nū dióh liú-sǐng ng-tặng mậ gé
 dék kộ. Nâ hũ-uái iū-hếk nū gi sê diē-
 neng, nū ọi kộ giêng ĩ hữ ciáh sê diē-neng

gâeng nū gōng hūng-ming. Nguāi dǎng cī-sê nū hiēu-dék iū-hĕk nū ciā neng gi miàng sê Sié-dé, ĩ gi hêng-úi gâeng ĩ gi miàng-cê cêng kó sōng hăk, ĩng ĩ sū hó gi cêu sê sié-gǎng gi dô, ng sê Siông-Dạ gi dô, ĩ kó lā-bái, sê diōh Siū-hêng chōng, ng sê Hók-ĭng chōng. Bêng-chiā gōng ciā sié-gǎng gi dô ậ miēng dék páek-dŭk, gó sǎi ĩ gǎ-buôi dėjung-é, ọh-ciōng-uâng sê ọi luâng Ciō gi cing dô. Nâ ciā neng kuóng nū gi ô sǎng-iông gi dâi, nū gǎi-dōng hieng ĩ, dậ ék sǎi nū liê ciā ciáng diô. Dậ nê sǎi nū giǎng ciā ciáng diô gi sĭng-kū. Dậ sǎng, ĩng nū li cŭ-uái ng sê uăk gi diô, sĭk-sĭk sê sī gi diô. Nâ ĩ ọi iū-hĕk nū liê ciā ciáng diô, nū gǎi-dōng hieng ĩ, ĩng bĭng ĩ gi uâ, cêu sê iêng-ké Siông-Dạ gi mêng, káng dâeng Sié-dé gi uâ. Ciō gōng, Gǎi-dōng chók lĭk diē cǎh muông, ciā muông cêu sê nguāi cī-sê nū kó gi muông, ĩng ĩng kó ciā uăk gi ôi-chĕu, ciā muông cǎh, diô sǎ, dáik diōh gi neng ciēu. Dǎng ciā ngǎi-neng ĩng-iū nū ké ciā cǎh muông, liê ciā ciáng diô, ĩ-dé nū chǎ-bók-dộ buóh gáu ting-lung, gó-chū nū gǎi-dōng hieng-hâung ĩ iū-hĕk nū. Bêng-chiā

nū tiāng ĩ gi uâ, bô gǎi-dǒng cêu uóng. Gó siōh iông, ĩ iū-hĕk nū giāng ciā ciāng diô gi sĭng-kū, nū nĕng diōh uóng-hāung ĩ; ĩng ciā diô gi sĭng-kū, diōh sáung bī sié-gǎng gi huó-cái gó bō-buói. ĩng-guǒng gi Ciō ĩ-gĭng gâeng nū gōng lāu, nĕng ái-sék uāk-miāng gi dǎng-dó ậ sék kó, bô gōng, Nĕng tiāng nguāi mọ guó kó tiāng bāng-nā, muō-giāng, hiāng-diē, ciā-muói gâeng buōng-sĭng gi uāk-miāng, mậ dĕung có Nguāi muóng-sĕng. Gó-chū nguāi gōng Siōng-Dạ cī-sê ciā diô, cêu sê ĩng-sĕng gi diô, nĕng iōk-sū gōng giāng ciā diô gi nĕng ậ gáu sī, ciā uâ nū gǎi-dǒng mọh sĕu ĩ. Gó siōh iông ĩng nū lĭ cũ-uái, giāng diē sī gi dē-huǒng, nū iā diōh hiēng-hāung ĩ, ọi hiēu-dék ciā é-sĕu gǎi-dǒng sū-siōng nū ciōng buóh kó giéng gi nĕng ciā nĕng sê diē nĕng, bô ciā nĕng ciōng-gi mọ dǎng-dǒng tá nū táung ciā bāu-hŭk, ĩng ciā nĕng miāng Sê-huák sê ă-táu sū sǎng gi, ng sê ciō-mū sū sǎng gi, ciā ă-táu gâeng ĩ giāng dŭ sê có nŭ-chái bē-nū. Bĕng-chiā gŭ-cĕu diōh Să-nāi sǎng, sǎng chók sié cêu sê có nŭ-chái, dĕng-nĕ ậ gā nū, sái nū cĕu-iù nĭ? Gó-chū Sê-huák táu-dạ mọ dǎng-dǒng táung

nū gi bǎu-hǔk. Béng-chiā cêu gū gáu dǎng iù Sê-huák tá nẹng táung ciā bǎu-hǔk iā muôi ô. Ĩng Séng-gǐng ô gōng, nā ciā lǔk-huák kọ cọ mọ nẹng ậ dáik chǐng nghiê, gé-iòng mậ dáik chǐng nghiê, bô dẹng-nē ậ táung ciā cọi gi bǎu-hǔk nĩ? Gó-chū Sié-dé ciā nẹng iā sê sié-sǔk gi báh-sáng, ng sê tiềng-guók gi báh-sáng, cêu Sê-huák iā sê piéng nẹng gi nẹng. Béng-chiā ĩ giāng Sik-lā, nguôi-miêng lā mậ chũi-iòng hō, gi-sik dǔ sê gā hō, dǔ mậ bǒng-câe nū, nū gǎi-dồng séng nguài, ĩng ciā áng-muôi gi nẹng dọ ngiòng dọ ngū ọi nū liê nguài sū cī-sê nū gi diô, bók-guó sê siōng piéng nū, sǎi nū mậ dáik géu. Gōng cī sậ uā uóng, Diòng-dộ bô đưai siǎng gáe “tiềng lí céng-giéng ĩ sū gōng gi”. Ồh-ciǒng-uāng Sǎ-nāi sǎng ô siǎng-ĩng liềng huôi-iềng niáh chók. Gĩ-Dók-dú mọ-guōng giǎng cháeng kī. Ciā siǎng-ĩng gáe gōng, Ồh ciā ciǒng ciā lǔk-huák gi nẹng, ĩ diǒh sêu có ā. Séng-gǐng ô gōng. Ng si-siōng cǒng ciā lǔk-huák sū cái kọ cọ ĩ diǒh sêu có. Ciā si-hāiu Gĩ--Dók-dú sǐng lā siōng, dǎng cūng mọ géu, tiề dǐng chặ-chāng, cūng sê ĩng ngêu diǒh Sié-dé ĩ-

dé sêu ciā có má; bô cê-gă uóng kĭng ùng-ê séng ĩ gi uâ, cĭng-cĭng cêng kó ngâung ồ. Bêng-chiā Sié-dé sŭ-ŭk gi uâ, nguāi kéuk ĩ mi-hĕk kó, liê ciā ciáng diô, dăng cêng kó siêu-lă. Cêu hióng Diông-dộ gōng, Sing-săng ā, kéuk nŭ ché siōng, nguāi dăng gó ô dáik géu gi uông mò, dăng ọi huoi-táu iũ nguông diô cái kó cáh-muông ậ sâi dék mậ? Iők-sŭ nâ gáu hŭ-uái, ĩ ậ mậ dŭk nguāi chók li sâi nguāi siêu-lă, ĩ-sêng luâng tiăng Sié-dé gi uâ, dăng tóng-kū huoi-gāi nguāi gi côi, ậ siá dék kó mậ nĩ? Diông-dộ gōng, Nŭ côi cêng duái, ĩng nŭ sŭ hêng gi áuk ô lăng iông, siōh iông sê liê ciā ciáng diô, dậ nê iông, kó giăng ciā ng găi-dōng giăng gi diô. Hŭ-uái guāng muông gi nêng, ĩ cōng cŭ-pĩ gi sĭng, dék-dék kĭng ciék nŭ, nâ nŭ găi-dōng chĭng-chāng huông-bê, ng-tĕng cái giăng dăng diô, cĭng-cĭng giăng Ciō sâi-sáng, nŭ cêu sĭ lŏh diô dōng.

Hŭ siōh-sĭ Gĭ-Dók-dŭ ciōng buoh huoi-táu kó nguông diô, Diông-dộ mi-mi-chiêu, cêu gâeng ĩ cĭng chíi, liêng céuk-hók ĩ bĭng-ăng. Gĭ-Dók-dŭ kạ-kạ giăng, diô-dōng ng gâeng nêng gōng uâ, hĕk ô nêng muông ĩ, ĩ iâ ng

đák-éng, ĩ gi hìng-câung cêu chiông lā giáng
ng gǎi-dǒng giáng gi diô siǒh iông, gó muôi
gáu nguông diô sǐng-diē sǎu-sǎu đáik bing-
ǎng. Ī-háiu Gĩ-Dók-dù giáng gáu cáh-
muông, káng-giéng muông-kāu ô cê siā
gōng, Páh muông cêu tá nũ kũ, ĩ cêu páh
ciā muông gūi â liéng kēu cêu chióng sǐ,

Cội ìng buǒng liē bék uông sǐng,

Lái kái u cáh muông uông đáik sēng,

Giú Ciō sùl lǐng kǎi uǎk lô,

Hùng ǒng ìng sēuǹg lǒk gǒ sǐng.

Mộ niǒh-òng cêu ô siǒh-ciáh sióng-mâu
đing ùi-ngiéng gi nệng miáng giéu Hiê-củ,
lǐ muóng gōng, Ngiê-dāu sê diē-uệng ǎ? nũ
iú dệng-nē lǐ? lǐ cũ-uái ọi giú sié-nộh? Gĩ-
Dók-dù gōng, Ô siǒh-ciáh sê lǒ-kū mǎi cội gi
nệng, iú Ciǒng-uông siáng lǐ, ọi kó Sùng-
sǎng, ọi miēng sēu ciǒng-lái gi hìng-huǎk,
ô nệng cī-sê nguāi gǎi-dǒng iú ciā muông lā
kó, chiāng muóng cǒng-gá kīng ng kīng
nguāi diē kó nǐ? Hiê-củ gōng, Nguāi sǐng
gĩk huǎng-hī, cêu kũ muông gōng, Chiāng
diē lǐ ā, cêu chióng

Ọi diē sēng muông đáik siông tiēng,

Sēng dǒng nēng cội lǐk muông-ciēng,

Cáh muông chiék káiu huông neng ỉk,
Siông-Dạ Hiê-cự siá nguāi kiếng.

Ciā si-hâu Gĩ-Dók-dù ciáh-ciáh diē muông
Hiê-cự cêu tuã ỉ gāng gīng giáng, Gĩ-Dók-
dù gōng, Cǐong-gi diǒh cǐong-uāng nĩ? Ỉ
gōng, Liê ciā muông mộ niǒh huông, ô siǒh-
gǎng giếng-gó gi cái, sák-dáng gāeng ỉ dùng
bǒng gi siá-gūi diǒh hũ-uái bā-siū, káng-
giéng dái-huáng ọi diē ciā muông gi neng,
cêu iú cái siông sié sái ciéng siǒh ỉ, hếk-chiā
kếuk ỉ siǒh sī, cêu mộ dék diē kó. Ciā si-
hâu Gĩ-Dók-dù bô giáng bô huǎng-hī, gé
diē cáh muông, guāng muông gi Hiê-cự
muóng gōng, Diê-neng gá nū li cũ-uái? Éng
gōng, Ô siǒh ciáh diǒng-dộ mēng nguāi li
páh ciā muông, bô gōng nguāi ỉ-hâu gǎi-
dǒng cǐong-iông có, Cǐo dék-dék cǐ gá nguāi.
Hiê-cự gōng, Nguāi ô kũ muông lǒh nū
méng-seng, cêu mộ neng ậ guǒng, Gĩ-Dók-
dù gōng, Nguāi cụng-ciéng siǒh diô mộ ciā
ngui-hiēng li cũ-uái, dǎng ciáh báik sê dáik
iáh. Hiê-cự gōng, Nū cǐong-gi nā siǒh-gā
neng li nĩ? Gĩ-Dók-dù gōng, Hiǒng-lī dǔng-
gǎng mộ neng ậ chiông nguāi chǐng hiēu-
dék ciā ngui-hiēng. Hiê-cự gōng, Ô neng

hiēu-dék nū li bǎ? Éng gōng, Nguāi ciáh-
 ciáh chók li si-hâiu, kéuk nguāi muō giāng
 káng-giéng, cêu dǔ gáe nguāi huoi-táu, bô ô
 hiōng-li iâ dǔ gáe nguāi diōh huoi-táu, nguāi
 nâ kěk lāng-gā chiū iēng ngê lā, dǐk-táu bié
 kó. Hiē-cù gōng, Gi dǔng ô mọ nẹng li dǔi
 nū kuóng nū huoi-táu nǐ? Gi-Dók-dú éng
 gōng, Ô, cêu sê Gó-cék, Ê-chiēng cī lāng-gā
 nẹng, i-hâiu káng nguāi ng bing i, Gó-cék
 má nguāi siōh piēng cêu diōng kó, dǔk-dǔk Ê-
 chiēng gāeng nguāi cả giāng siōh-dék-giāng
 óng. Hiē-cù gōng, I kó-diē ng gǔng nū cả
 li cũ-uái? Gi-Dók-dú éng gōng, Dǒng-si i
 gāeng nguāi cả giāng gáu Iũ-ók-nà, huók-
 iōng nguāi lāng-gā nẹng dǔ cả dāung hū-diē
 Ê-chiēng cêu nōi-cé mọ gāng hióng sèng cái
 giāng, gó-chū cêu chiǎ-diōng-sing hióng i
 cê-gǎ gi chió, cêu iũ Iũ-ók-nà hū diē tiéu
 chók li, cêu gāeng nguāi gōng, hũ-uái hō gi
 ôi-chéu nū cê-gǎ siōh-gā nẹng muōng kó
 dáik. Ồh-ciōng-uāng i giāng i diô, nguāi iâ
 giāng nguāi gi diô, i gǔng Gó-cék diōng kó,
 nguāi cêu li cũ-uái. Hiē-cù gōng, Aĩ ā, ciā
 nẹng ọi dáik tiēng siōng gi ing-huá, siōh-
 dék-giāng gi gāng-kū sáung miéh-nộh sêu

nĩ? Ĩ ọh-ciông-uâng giăng tọt, ciông-gi cī muang káng-kǐng tiếng siông gi ینگ-huà nĩ? Gĩ-Dók-dù gōng, Nguāi gōng Ê-chiêng ọh-ciông-uâng sĭk-sĭk ô ciā sĕu, cĕu sĕ gōng nguāi cĕ-gă gi dāi, iā gāng ĩ mọ gáuk-iông, ĩ giăng gáu buáng diô cĕu huoi-táu diông kó, nguāi cĕu bing Sié-dé gi uā liê kó ciáng diô, kó giăng sī diô. Hiê-cự gōng, Aĩ ā, nū iā ô ngĕu diōh Sié-dé mọh? ĩ ọi nū kó Sĕ-huák giú bing-ăng bǎ? cī lāng-ciáh nĕng sĭk-sĭk dũ sĕ piêng nĕng, nū bing ĩ gi uā bǎ? Gĩ-Dók-dù gōng, nguāi kī-táu tiăng ĩ, ĩ-hāiu cĕu mọ gāng, ینگ Sĕ-huák gi ôi-chĕu ô ciā Să-nāi sǎng, nguāi ọi kó Sĕ-huák gĕu nguāi, káng-giêng sǎng hĭng-sié dĭng gĕng, chiông cĕu buóh dō lōh li, giăng kĕuk ĩ dách sī, gó-chū mọ gāng cái cĕng. Hiê-cự gōng, Ciā Să-nāi sǎng sǎi nĕng sī kó cĕng sǎ, ĩ-hāiu iā dék-dék ọh-ciông-uang, háng dék nū muôi kĕuk dách hūng chọi. Gĩ-Dók-dù gōng, nguāi kiê hũ-uái sǎng â, ĩ-hāiu â gáu sǎng-niōh-iông nguāi iā ng báik, nā nguāi ciáh lă guá-lĕu sī-hāiu, mung Siông-Dá gi ổng dáik Diông-dộ ciā nĕng bô li, nā ng sĕ ciông-uang nguāi gĭng-dáng mọ dǎng-dǒng gáu dọi, ọh

nguāi gi duāi cội éng-dǒng kéuk sǎng dǎh sī,
 dǔ mậ hǎk kiê cǔ-uái, gǎeng Ciō gōng uā,
 hiêng-cái Ciō bô éng-hū nguāi diē cǔ-uái, ciā
 ǒng ô niǒh-uái duāi ā. Hiê-củ gōng, Nặng
 mộ lāung sê sié-nộh nặng, bing-só sū cộ gi
 iā mộ lāung sê sié-nộh dái, iǒk-sū gáu ciā ôi-
 chéu, nguāi dǔ sêu-nǎk i, duáng-duáng ng
 kīng dǔk i, chiāng nū gǎeng nguāi cả giǎng
 gūi buô, nguāi ọi cī-sê nū hiêu-dék nū sū
 gǎi-dǒng giǎng gi diô, cêu sê diǒh sèng-dāu
 ô siǒh dèu cách gi diô, nū ậ káng-giêng mậ?
 cuoi cêu sê nū sū gǎi-dǒng giǎng gi diô, ciā
 diô cêu sê liěk-cū siêng-dĩ Iá-Sũ Gĩ-Dók
 liêng ĩ sêu-dù sū cháung siék gi, hiā diô
 gǎeng mặk-dāu-siáng hū dīk, cuoi cêu sê nū
 sū gǎi-dǒng giǎng gi diô. Gĩ-Dók-dù gōng,
 Ciā diô nộ-nộh dǔ mộ uǎng kuóh, sǎi ciā
 huông-dối gi nặng giǎng dāng bặ? Éng
 gōng. Iā ô buǒng ngiǎ gi diô, nā ciā diô sê
 uǎng kuóh bô kuák, dǔk-dǔk ciáng diô sê
 cêng dīk bô cách, nā sǎi káng cuoi cêu ậ
 biêng dék chók, Hū siǒh si nguāi bô cộ
 máeng, káng-giêng Gĩ-Dók-dù piǎng lā gi
 duāi bǎu-hǔk gó muoi táung kó, gā-sū mộ
 nặng bǒng-cǎe, táu-dặ mộ dǎng-dǒng cê-gǎ

táung, gó-chū ĩ bô muóng Hiê-cù gōng, Nū
 ậ tá nguāi táung ciā bấu-hũk mậ? Éng
 gōng, Nū gó diōh ũng-nâi mại siōh-dék-giāng
 òng, iők-sū gáu dáik géu gi ôi-chéu, ciā
 bấu-hũk cêu-iòng ậ táung lờh li. Dōng cī
 siōh-si, Gĩ-Dók-dù buōh kī iêu-dái, ciōng
 kī sīng kó, Hiê-cù gōng, Liê ciā muóng mọ
 niōh huông, ô lā Sék-sê gi chió, iők-sū kó
 páh ĩ gi muóng, ĩ dék-dék kěk dīng hō gi
 dâi-gié cī-sê nū. Gĩ-Dók-dù gâeng ĩ sū-
 biěk cêu kó, giàng gáu Sék-sê gi chió, páh
 muóng lāng sǎng â, siōh-dék-giāng òng ô
 siōh-gā nẹng muóng gōng, Ngiê-dâu sê diê-
 nẹng ā? ĩ éng gōng, Nguāi sê giàng diô gi
 nẹng, ĩng nū chió-ciō gi bẻng-iū, gá nguāi
 gōng li cũ-uái, ék-dēng dáik iáh, gó-chū
 nguāi ọi giéng chió-ciō, ciā nẹng cêu diê kó
 tá ĩ chiāng, guó mọ niōh-òng chió-ciō chók
 li giéng ĩ, muóng ĩ gōng, Nū ọi giù sié-nộh?
 Gĩ-Dók-dù gōng, Nguāi iù Ciōng-uòng siàng
 li cũ-uái, ọi kó Súng-sǎng, guāng cǎh muóng
 gi nẹng gá nguāi gōng, iők-sū li cũ-uái nū
 ék-dēng kěk dīng hō gi dâi-gié cī-sê nguāi,
 sǎi nguāi giàng diô si-hâiu ậ dáik iáh.

Sék-sê gōng, Chiāng diê li, huàng ô iáh

nū gi dāi-gié, nguāi buóh cī-sê nū, cêu sài ĩ
 gǎ-íng diēng cióh, mēng Gǐ-Dók-dú gǔng ĩ
 kó, ĩng ĩ diē sióh gǎng mēk gi búng, mēng
 gǎ-íng kǔi kī sióh ciáh muóng, muóng kǔi
 lāu, cêu káng-giéng biáh lā guá sióh-hók dú-
 chiông, sióng-mâu gǐk duǎng-ciáng, mēk-ciũ
 chéu tiēng, chiũ niēng séng-cũ, chói-puoi lā
 siā cǐng-lī gi gáu-hóng, cióng sié-siông gi
 íng-huá bóng piǎng-âu, kiê lā chiông kũ
 kuóng neng gi hìng-cáung, ĩ tǎu siông ô sióh
 đing gǐng gi huǎ-guǎng guá lā. Gǐ-Dók-dú
 gōng, Cuoi sê sié-nóh é-séu? Sék-sê gōng,
 Dú dǔng-gǎng ciā neng cái-neng, dáik-hāing,
 chiêu chók uāng-íng cǐ siông, ô dǎng-dǒng
 kěk độ-lī gǎng-huá neng, gǎeng cái sǎng
 sióh iông, iā si-siông tá ciā sêu gǎng-huá gi
 neng ló-kũ, cêu chiông nong-nā huái-bộ ũ-
 iông ĩ gi nǎng nū giāng sióh iông, ĩ mēk-ciũ
 chéu tiēng, chiũ niēng séng-cũ, chói-puoi lā
 siā cǐng-lī gi gáu-hóng, cuoi dũ ọi cī-sê nū
 báik ĩ gi cék-hông, báik cǐng-lī gi ó-miêu,
 si-si gǎ-siók kék cội-neng tiǎng-giéng huôi-
 nguô, gó-chũ ĩ kiê hũ-uái, hìng-cáung cêu
 chiông kũ-kũ lā kuóng neng, bég-chiā sié-
 siông gi íng-huá bóng piǎng-âu, gǐng gi huǎ-

guǎng guá diǒh ĩ tǎu siông, cuoi sê cī-sê nū
 hiêu-dék ĩ ciǒng cộ siông Ciō gi gǝng-hũ,
 káng-kĩng ngāng cieng cữ iông gi huó-ũk,
 gó-chũ ĩ gáu muāk sié, dék-dék dáik ìng-iêu
 gi siông-séu. Nū dǎng ciǒng buóh kộ tieng-
 siǎng, diô-dǒng iǒk-sũ ngêu diǒh ngi-nǎng gi
 si-hǎiu, nǎ dù hũ diē hũ ciáh neng, dáik Ciō
 gi guóng-báng, ă ìng-dô nū giǎng bing-ǎng
 gi diô, gó-chũ nguāi sǝng kǝk ciā dù cī-sê
 nū, huàng nguāi sũ cī-sê nū gi, lieng nū sũ
 káng-gieng gi diǒh sǎ-nê gé, ng-tǝng mǎ gé
 kộ, ìng ô neng gā cộ ìng tieng-diô gi neng,
 ĩ sũ ìng gi diô sê si diô, kũng-pá diô-dǒng
 hǝk ngêu ciā neng, nū gǎi-dǒng duāi sǎ-nê
 huóng-bê ĩ. Ciā si-hǎiu Sék-sê tuǎ ĩ chiũ
 ìng diē siǒh gǎng duāi tiǎng, diē-sié dǎung
 óng mộ neng dǎ-sáu, ǔng-ding cǝk muāng-
 muāng, Gĩ-Dók-dù kuàng-kuàng-diōng káng
 siǒh-si, Sék-sê cêu gǎe neng diē li dǎ-sáu,
 siǒh sáu cêu ô ǔng-ding bǔng-bǔng-kī, bũk
 Gĩ-Dók-dù siǒh méng, siǒh chíi, siǒh pé, chǎ-
 bók-dǒ mǎ tǝng-ké. Ciā si-hǎiu ô siǒh-ciáh
 cữ-niòng-giǎng kiē diǒh bǒng-biǝng, Sék-sê
 giéu ĩ dộ cũi hó siǒh ă, ciā cữ-niòng-giǎng
 cêu bing ĩ gi mǝng kộ cộ, hũ siǒh-gǎng

tiǎng cék-káik cêu sáu táh-gáik.

Gĩ-Dók-dù gōng, Cuoi sê sié-nòh é-séu?
 Sék-sê gōng, Ciā tiǎng cī-sê neng sǐng-diē
 muôi sêu Siông-Dá gi ǒng, muôi dáik siǎng
 séng táh-gáik, ǔng-dìng sê cī niēng neng
 séng gi nguòng côi, liēng sǐng-diē sū cōng
 gi ngái-áuk, kī-sēng siǒh dā-sáu, sê cī
 Siông-Dá gi lǔk-huák, ī-hâiu sâi cūi kó hó,
 sê cī hók-ǐng gi độ, nū ô mộ káng-giēng
 siǒh sáu ǔng-dìng cêu búng-búng-kī, gó-
 chū sáu li sáu kó dũ mạ táh-gáik, cuoi kō-
 bī chiông Siông-Dá gi lǔk-huák mộ dǎng-
 dǒng sâi neng sǐng-diē táh-gáik, dù neng
 gi côi chǐng-chū, lǔk-huák sê sâi áuk sǐng
 sǎng kī, côi cêu muōng gǎ-tiēng muōng
 sâ, ǐng lǔk-huák nâ ậ biēu-ming neng gi côi,
 liēng gég-cī ỉ mộ dǎng-dǒng sâi neng ô lĭk
 iǎng guó côi-áuk, liēng dù-miēk ỉ, ī-hâiu nū
 káng-giēng siǒh ciáh cū-niōng-giāng kěk cūi
 hó lǒh dē-bǎng lā, ciā ǔng-dìng cêu mạ buoi,
 ciā tiǎng cék-káik cêu sáu táh-gáik, cuoi kō-
 bī hók-ǐng gi độ-lī cī muāng bō-buoi, siǒh
 gāng-dōng neng sǐng-diē ciā côi cék-káik cêu
 dù kó, ciā sǐng gé dáik ciā hók-ǐng lâu, cêu
 siǎng cộ táh-gáik, ậ dējung kėjuk ǐng-guōng

gi Ciō diē kó gŭ-cēu.

Ciā si-hâu nguāi bô có máeng, káng-giéng Sék-sê tuă ĩ gi chiū ĩng ĩ diē siōh gǎng búng-diē-giāng, diē-sié ô lāng-ciáh niē-giāng-gǒ, siōh neng sōi siōh ôi-chēu, siōh ciáh nieng-gī duāi siōh-dék-giāng miàng Gék-ŭk, bô siōh ciáh miàng giéu Ūng-dāi, Gék-ŭk hīng-cāung cēng kó áu pék, Ūng-dāi gi hīng-cāung cēng kó ǎng-cēng. Gī-Dók-dú gōng, Ciōng-gi ciā Gék-ŭk gi hīng-cāung cī muāng áu-pék? Sék-sê gōng, ĩ éng dáik gǎ-ngiēk guāng-gǎ gi neng gī diāng lái nieng cēu gǎu huāng kéuk ĩ, ĩ ọi gǐng nieng cēu dáik, gó-chū ĩ gi hīng-cāung cī muāng áu-pék, nā Ūng-dāi cing-nguông lā dīng, gó-chū ĩ gi hīng-cāung cī muāng ǎng-cēng.

Ciā si-hâu nguāi bô káng-giéng siōh ciáh neng mái siōh dōi gǐng ngŭng bō-buói bóng Gék-ŭk méng-sèng, Gék-ŭk cēu độ kó káh-diēu, cēng kó huāng-hī, bô chiéu Ūng-dāi dŭ mō nōh dáik. Cī sạ gi gǐng bō mō niōh-òng dŭ sáng uòng kó, nā diông siōh iông hūng-puái gi ĩ-siông. Ciā si-hâu Gī-Dók-dú cēu muóng Sék-sê gōng, chiāng

nū ciōng cī siōh iông dâi siông-sá cī-sê nguāi.

Sék-sê gōng, Cī lāng-ciáh niê-giāng-gồ, siōh-ciáh sê bī sié-găng gi nẹng, siōh ciáh sê bī lái sié tiềng-guók gi nẹng, nū káng Gék-ỳk hiềng-káik cêu ọi dáik ĩ gi gǎ-ngiěk, mọ dǎng dǒng dīng gáu lái niềng, cềng chiông sié-găng gi nẹng dék-dék ọi dáik ngāng ciềng gi hók, mọ dǎng-dǒng dīng gáu lái sié, nā lái sié gi hók Siông-Dá cī-sê diōh Sềng-giềng hū diē, ô duāi cềng-giềng, kō-sék sié-găng nẹng dồ dék huók-liők ng kọ giú, cêu chiông sũk-ngū ô gōng, “Sэк cêu cāi sêu, bók-ự ék cêu cāi chiū”, sié-găng nẹng dũ kэк ciā uā sáung cộ ô ciā dâi, gó-chū ciōng giú ngāng-ciềng gi hók, cêu chiông Gék-ỳk gi gǎ-ngiěk mọ niōh-ông sáng uông kọ, cêu nā diông siōh iông puái ĩ-siông, huáng nẹng giú ciā sié-găng gi hók gáu muāk-nik iā ciōng-uāng.

Gĩ-Dók-dù gōng, iú ciōng-uāng káng kī li ciā Ūng-dâi gi ọh chéu, ĩ iông-gó bók-cī nā siōh iông, ìng ĩ ậ ūng-nâi dīng gáu hâu-lái ô gáing hō gi gǎ-ngiěk cuoi sê siōh iông, bềng-chiā Gék-ỳk gǎ-ngiěk gé-iông bài cềng kọ, nā diông siōh iông puái ĩ-siông, mĩ-dũk Ūng-dâi gáu ciā si-hâu gó ậ hiông ĩ gi hō gǎ-

ngiëk, cuôi sê dậ nê iông.

Sék-sê gōng, bók-dëk nâ ciōng-uâng, gó ô bëk iông iòng-gó, ïng lái sié gi ïng-huá gǎ-ngiëk ïng-uōng mậ hié, nộ-nộh chiông sié-gǎng gi hók, huók-iòng-gǎng cêu sáng mộ kộ ă? ïng-chū Gék-ÿk ciáh-ciáh dáik ĩ gi gǎ-ngiëk si-hâiu cêu chiêu Ūng-dâi, cêu Ūng-dâi sák-muōi dáik ĩ gi gǎ-ngiëk gáing-gáing chiêu Gék-ÿk, ïng-ôi ô kī-táu cêu dëk-dëk ô sák-muōi, ciā sák-muōi chũi-iòng muōi gáu, dëk-dëk ô lā si-hâiu cūng ậ gáu, ciā sák-muōi nâ gáu lāu cêu mộ cái ô ciā sák-muōi, gó-chū kī-táu dáik gi gǎ-ngiëk dëk-dëk ék si sēng sǎi uòng, nâ sák-muōi sū dáik gi gǎ-ngiëk ciáh sê dòng-giū, ïng-chū Sēng-gǐng dǔng-gǎng cī bó-uệng gōng, nū sēng-ciềng sêu guó hū sậ gi hók-ké, Lăk-sák-lô sêu hū sậ gi kū-nâng, dǎng ĩ sêu ăng ói, nū kộ sêu kū-nâng.

Gĩ-Dók-dù gōng, Iù ciōng-uâng káng kī lī, cêu ngāng-ciềng gi hók mậ ụng dëk tǎng, dëk-dëk diōh dīng nīk hâiu gi hók. Sék-sê gōng, nū ciā uâ gōng dëk diōh, ïng sū káng-giềng gi sê cāng-sì, sū mậ káng-giềng gi sê ïng-uōng, nâ sū ậ káng-giềng gi, cêu sê gǐng sié

huó-ük gâeng neng gi cing-ük sǝng gēung,
 gó-chū gâeng ĩ sǝng gǝu cēng kó ching-iěk,
 sū mậ káng-gieng gi cêu sê lái sié gi gǝ-
 ngiěk gâeng neng cing-ük sǝng gǝh cēng
 huông, gó-chū gâeng ĩ sǝng gǝu cēng kó sǝ.

Ciā si-hâiu nguāi bô có máeng káng-gieng
 Sék-sê tuǝ ĩ gi chiū ing ĩ diē siǝh sū-cái,
 káng-gieng ô iú chiông â chók li kiē bǝng-
 bieng siǝh-gǝ neng, dik-tǝu kěk cūi uóh ciā
 huoi, siǝng ọi uóh ĩ áng kó, chūi-iǝng muǝng
 uóh, ciā huoi muǝng duái, Gi-Dók-dú gōng,
 Cuoi sié-nộh iǝng-gó? Sék-sê gōng, ciā huoi
 sê cī neng gi gǝng-huá kěk cūi uóh ĩ ọi ĩ áng,
 hū ciáh neng sê cī mǝ-gūi, chūi-iǝng kék ĩ
 ciǝng-uâng có, cêu huoi muǝng iěk muǝng
 duái, ĩ iǝng-gó nguāi ọi cī-sê nū, cêu ing ĩ
 kuáng chók chiǝng-ngiē, káng-gieng ô siǝh-
 ciáh neng, chiū nieng lǝ iú-áeng si-siǝng iú
 chiǝng-ngiē kěk iú kǝng diē huoi hū-diē, Gi-
 Dók-dú gōng, Cuoi bô sê sié-nộh é-sǝu ni?
 Sék-sê gōng, Ciā Neng sê bī Gi-Dók siǝng-
 siǝng kěk ǝng-dieng gâeng iú siǝh-iǝng uóh
 lǝh neng sǝng-diē, sǝi ciā sēu Seng-Sing
 gǝng-huá gâeng huoi siǝh iǝng, siǝh nǝk
 muǝng uǝng guó siǝh nǝk, gó-chū mǝ-gūi

chũi-iòng cêng lĩk ọi miěk, nâ mộ dǎng-dǒng
miěk dék kó. Gĩ-Dók gi báh-sáng tǎu-dǎ
sê Sêng-Sing gāng-huá gi báh-sáng, dǎi-
huáng sêu mộ-gũi iũ-hěk gi nệng, ỉ cê-gǎ iâ
mộ dǎng-dǒng gǎ-siók sǐng-diē sêu gāng-huá
ciǒng-gi mậ miěk dék kó, gó-chũ ciā dǎi
nguāi iâ ọi cĩ-sê nũ hiêu-dék.

Ciā si-hǎiu Sẻk-sê bô tuǎ ỉ chiũ ing ỉ diē
siǒh-gā kuái-lǒk gi dē-diòng, dũng-gǎng ô
siǒh-cộ gũng dǎing, cêng gẻng duāi, bô huá-
lậ, Gĩ-Dók-dù káng-giẻng cêng huǎng-hĩ, bô
káng-giẻng dǎing siông-siẻ ô nệng lǎi-lǎi
uông-uông, ciáh-ciáh dũ sê sẻung gĩng gi ỉ-
siẻng. Gĩ-Dók-dù gông, nguāi gǎuk-nệng ậ
diē hũ diē mậ? Sẻk-sê cêu ing ỉ hiẻng
dǎing muẻng siông kó, cêu káng-giẻng ô
cêng sậ nệng kiē diǒh muẻng-sẻng, chiẻng
ọi diē bô mộ gāng diē, liē muẻng mộ niǒh-
huẻng ô siǒh-gā nệng sỏi diǒh dỏh-biẻng,
dỏh siông ô bậ cháh cũ, bẻk, mẻk, huáng ọi
diē ciā muẻng gi nệng, ỉ cêu gẻ ỉ gi miẻng,
bô káng-giẻng iâ ô sẻung kuỏi-gǎk niẻng dỏ
chiẻng gi nệng kiē diǒh muẻng-kǎu, huáng
ọi diē ciā muẻng gi, cêu cêng lĩk hǎi ỉ.

Ciā si-hǎiu Gĩ-Dók-dù káng-giẻng, cêng

kó ô chéu, bô ینگ ciā nẹng niềng dỏ chiồng,
 céung-nẹng káng-giéng ĩ dủ giăng tọi cāu,
 ĩ-hâu bô káng-giéng siõh-ciáh nẹng, ĩ sióng-
 mầu ụng giòng giăng gẹung gé miàng ciā
 nẹng méng-sẻng, gậng ĩ gông, chiăng gé
 nguāi gi miàng, ĩ miàng gé-iòng gé lāu, cêu
 iả sẻung kuõi-gák, bẻk kĭ giềng kỏ páh niềng
 dỏ chiồng hũ ciáh nẹng, cêu niềng dỏ chiồng
 hũ ciáh nẹng iả chỏk lĭk gậng ĩ páh, mĭ-
 dủk cĭ ciáh nẹng dủ mỏ siõh-dẻk-giăng giăng
 ói tọi-sảuk gi sĭng, cêu sẻ dĭk-tảu cỏ chũng
 ẻu đảung, bĭ chũ dủ sẻu siõng, gảu sảk-muõi
 kẻuk ĩ bảh kũ siõh đẻu diỏ, đĭk chũng diẻ
 kỏ. Hũ siõh-sĭ tiẩng-giéng đảing đũng gi
 nẹng huẩng-hĭ giẻu ĩ gông, Diẻ lĭ lả, diẻ lĭ
 lả, đẻk-dẻk đảik ینگ-uông gi ینگ-iẻu, ciā
 nẹng siõh gảu diẻ siẻ, iả sẻung gĭng gi ĩ-
 siõng, Gĭ-Dỏk-dủ káng-giéng ciồng-uẩng,
 cêu mĭ-mĭ chiẻu ciā ẻ-sẻu nguāi siõng gảu
 cẻ-gả ậ hiẻu-dẻk. Cêu gậng Sẻk-sẻ gông,
 Đảng muông kẻuk nguāi liẻ củ-uải giăng
 sẻng kỏ, Sẻk-sẻ gông, Đing mảing, đing nguāi
 cái kẻk bẻk iông cĭ-sẻ nũ, hâu ciáh tẻng kỏ.

Sẻk-sẻ cêu cái tuả ĩ gi chiũ, đải ĩ diẻ siõh-
 gẩng ử-ẩng gi bủng-diẻ, diẻ-sẻ ỏ siõh-ciáh

nẹng sọi tiék-lẹng dâi-dống, ỉ gi siong-mâu
 đing chêu-kū, mək-ciũ chếu giâ, lằng-gã
 chiũ chã lã, diõh hũ-uái táng-ké tiề-mả đing
 chã-chăng, cêu chiông gák dōng sǐng-diông
 siõh-iông. Gĩ-Dók-dù gōng, Cuoi độ-dạ sê
 sié-nộh iông-gó nĩ? Sék-sê gōng, Ới hiêu-dék
 ciã iông-gó, nũ gãi-dống muóng ỉ cê-gã. Gĩ-
 Dók-dù cêu muóng ỉ gōng, Nũ có nẹng sǎng
 niõh-iông? Ỉ gōng, Nguāi hiêng-cài có nẹng
 bĩ sèng nĩk duai gáuk-iông. Gĩ-Dók-dù
 gōng, Nũ sèng-nĩk sǎng-miéh-sék nĩ? Éng
 gōng, Nguāi sèng-nĩk có sèng-dù sí-hâu,
 ngiông háng dũ sê cêng hō, bók-ci nguāi cê-
 gã káng sê hō, cêu bẻk-nẹng iã sê ciông-
 uâng chǐng-cáng, dōng hũ siõh-sĩ nguāi cêu
 chǐng sǎung dék giàng tiềng-diô gi nẹng,
 siông gáu tiềng-siàng, sǐng-diē dũ sê cêng
 kó huǎng-hĩ. Gĩ-Dók-dù gōng, Nũ sèng-
 nĩk sê ọh ciông-uâng, nã hiêng-cài sê sǎng-
 miéh-sék nĩ? Cêu gōng, Nguāi dǎng sê
 ciők-uông gi nẹng, kếuk ciők-uông sũ buõh-
 sók, cêu chiông guõng diõh tiék-lẹng hũ-diē,
 mọ dǎng-dống độ-câu, ải ả, uguāi dǎng mọ
 dǎng-dống tiếu chók. Gĩ-Dók-dù gōng, Nũ
 ỉng sié-nộh dâi gáu cũ-uái? Ỉ gōng, nguāi

kī-táu dũ sê chĩng-chāng gīng-siū, gáu ī-hāiu
 ciêng-ciêng mậ gế dék kộ, bô ùng-céung sũ-
 ỹk, gũ-é ùi-buôi cé-séng gì độ, hô Siông-Dạ
 gì ồng, ìng-chũ nguāi dáik-cội Séng-Sing,
 gó-chũ Séng-Sing liê nguāi cêu ciũ ciā mộ-
 gũi, ciā mộ-gũi chĩng-gêung nguāi, cêu gếk
 Siông-Dạ sãi-sáng, gó chũ Siông-Dạ uông-
 liê nguāi, nguāi sĩng gó sê cék é tiék-tiék
 ngāing-ngāing mộ dǎng-dǎng huói-gāi.

Ciā si-hāiu Gi-Dók-dũ dối Sék-sê gōng,
 Ồh-ciǎng-uāng gì nệng nộ-nộ dũ mộ nộh
 kộ uāng-huói ă? Sék-sê gōng, Nũ muōng
 muóng ĩ cê-gă káng, Gi-Dók-dũ bô muóng
 gōng, Nũ cĩng-cĩng dũ mộ nộh tẻng uāng-
 huói, mộ dǎng-dǎng cái kộ dáik nũ sũ uông
 gì ă? táu-dạ nâ gāk ciā ciǎk-uông gì lẻng
 lă. ĩ éng gōng, Nguāi cĩng-cĩng dũ mộ nộh
 cái ậ uông dék. Gi-Dók-dũ gōng, Nũ kộ-
 diê sãi gōng ciā uā nĩ? Siông-Dạ-Cũ nộ-
 nộh ng sê duāi cộ-pĩ mộh? ĩ éng gōng,
 Siông-Dạ-Cũ nguāi dáik cội chiông bô dẻng
 ĩ lộh sếk-cê-gá lă siǎh-iông, káng-kĩng ĩ gì
 cék-ôi, miêu-sê ĩ gì gũng-lộ, dǎung ĩ gì háik
 sê bǎng-siông, bô liẻng siék-dũk gáu Séng-
 Sing, gó-chũ Siông-Dạ sũ éng-hũ ciā sếu-hók

gi uâ, dăng gâeng nguāi dũ mọ hông, mi-
dũk sũ có-má gi uâ dũ buóh éng-ngiêng lờh
nguāi sǐng-siông, ỉng nguāi ī-gĩng có Siông-
Dạ gi siũ-dĩk, Siông-Dạ ī-gĩng duāi sǎi-sáng
lâu, dăng ĩ ék-dêng cũng buóh miék nguāi
ò.

Gĩ-Dók-dũ gōng, Nũ dǒng-sĩ siông giũ
sié-nộh ī-dé gĩng-dáng ậ gáu ciǒng-uâng? ĩ
gōng, Nguāi ỉng ọi giũ cê-gã gi sũ-ũk, siông
giũ sié-siông gi kuái-lők ciềng-cái, siông nâ
dáiik ciā nộh sǐng-diē cêu dék-dék kạ-uăk,
dềng-nē hiêu-dék cĩ sậ iông dái hō chiông
huôi siêu tềng gâ, ciā sǐng cềng kộ kũ lợ.
Gĩ-Dók-dũ gōng, Gé sê ciā sék nũ dăng
ciǒng gi ng huói-gāi nĩ? Éng gōng, Dăng
Siông-Dạ ng cũng nguāi huói-gāi, ỉng ciā
huói-gāi uông ớng gi muông Siông-Dạ ī-gĩng
guǒng kộ lâu, hiềng-cái ciǒng nguāi káung
diǒh ciā chiũ-lềng dái-dǒng, chũi-iông huôi
puō-tiềng-â gi nệng, iâ mọ dăng-dǒng bóng
nguāi chók ciā chiũ-lềng, kộ-lềng ả, ciā ỉng-
uông gi cǎi-huô giếu nguāi ciǒng-iông ậ dǒng
dék kĩ.

Ciā si-hâu Sék-sê dọi Gĩ-Dók-dũ gōng,
ciā nệng gi kũ-chũ nũ gǎi-dǒng liũ-sǐng

gé có nū īng-uōng gi gīng-gái. Gĩ-Dók-
 dù gōng, ọh-ciōng-uâng gi cīng-hing cīng-
 cīng ậ giǎng dék, nâ nguông Siông-Dá
 bōng-câe nguāi, sǎi nguāi gi-dō mọ hiók,
 miēng-dék sêu ciā kū-chū, cêu gǎeng Sэк-sê
 gōng, Dǎng kọ bǎ? Sэк-sê gōng, dīng nguāi
 cái cī-sê nū siōh-iōng dái, iōng-hāiu nū ậ kọ
 dék,

Sэк-sê bô tuǎ ĩ chiū īng diē siōh-gǎng
 gi búng, gi-dǔng ô siōh-gā nẹng ciáh-ciáh iú
 mīng-chòng lā bá kī li, muōng sẹung ĩ-siōng
 muōng giǎng dēu-dēu-ciéng, Gĩ-Dók-dù gōng
 ciā nẹng kọ-diē giǎng dēu-dēu-ciéng? Sэк-sê
 cêu mēng ciā nẹng gōng, ciā nẹng cêu gōng,
 Nguāi siōh-mǎng-buǒ káung diōh si-hāiu, có
 siōh-gā máeng, kǎng-giéng tiēng biéng ử-áng,
 duái lòi duái diēng sǎi nguāi sīng-diē dīng
 giǎng. Hiā si-hāiu nguāi nghiǎk kī tǎu kǎng-
 giéng tiēng-dīng ử-áng, ử húng luàng buǒi,
 bô tiǎng-giéng gǎek gi siǎng-īng, húng siōng
 sié sọi siōh-gā nẹng, ử-só tiēng-sẹu kiē diōh
 ĩ cō êu, ciũ-ti dủ sê huōi-siěk, muāng tiēng
 dủ sê huōi, bô tiǎng-giéng ô siǎng-īng gōng,
 Sī gi nẹng kī li sêu sīng-puáng, buáng-siōh
 dủ liěk kǎi, húng muó dủ kǎi kī, sī kọ lâu

gi nẹng dủ chók li, gi dững iâ ô cêng kó
huăng-hī nghiāk kī měk-ciũ chéu, hẹk ô nẹng
cêng giăng ọi kó săng-â diō-biê.

Dống ciã si-hâu sọi hùng gi nẹng kũi kī
siõh-buô gi cũ, mêng sié-găng nẹng dủ gẹung
sèng, cẹung-nẹng káng-giéng ô liэк huôi
iũ Ĩ mêng-sèng chững chók, cêu kiê huông
siõh-dék-giăng đing sing-puáng. Bô ô siăng-
ing hũng-hó cẹung tiềng-sẻu gōng, Gỏi-
dống cẻu-cik ciã pạ gầeng kống, sềng
cộh lợh huôi lā, ợh-ciống-uâng mộ dặ gi
káng gẹung diõh nguāi kiê gi ôi-chẻu,
huók-iống liэк kũi ô ing ô huôi bô ô iẻu-
guái gi siăng-ing duái chững chók.

Sọi hùng ciã nẹng bô ẻu tiềng-sẻu gōng,
Nguāi ciống ngū-gók siũ diê chống, ợh-ciống-
uâng ô cêng sạ nẹng kẻuk tiềng-sẻu gũ siông
hũng dững-găng, nâ diông nguāi siõh-gā
nẹng diõh â-dặ. Dong ciã si-hâu nguāi iâ
ọi cẩu kó kók, nâ mộ dẩng-dống kók dék
měk, ing sọi diõh hùng tẩu gi Ciō Ĩ měk-ciũ
dủ mộ liê nguāi, nguāi ẻk-sềng gi cọi cẻ-
gả siõh-iông siõh-iông dủ ạ hiẻu-dék, liông-
sing huák hiềng cáik cẻ-gả, nguāi máeng cộ
gấu cũ-uái cêu chững-chăng.

Gỉ-Dók-dủ gōng, Nủ káng-giéng ciống-

uāng gi dāi kó-diê sāi cī giāng nī? Éng gōng, Nguāi gi sīng siōng ciā sīng-puáng gi nīk ī gáu nā nguāi gó muôi êu-bê. Bô káng-giéng tiēng-séu gū cēng sâ gi nēng siōng hūng lā kó, nā diōng lā nguāi lāu diōh â-dā, cēu sē ĩng cuoi gó-chū nguāi ciáh giāng cī muāng hēng. Bēng-chiā bô liēng káng-giéng dê-nguōh gi huōi-kāng, gēung diōh nguāi sū kiē gi ôi-chēu huók-iōng liēk kūi, ciā liōng-sīng bô cáik-bê nguāi, ciā sīng-puáng gi Ciō bô gā lā dīk-táu chēu nguāi, Ī gi ménng-sáik cēng kó sāi-sáng gi iōng-sék, gó-chū nguāi ciáh giāng dēu-dēu-ciēng.

Ciā si-hāiu Sék-sê cēu gāeng Gī-Dók-dú gōng, nguāi sāi nū giēng guó gáuk-dēng gi dāi, nū ô mō sá-nê kó sū-siōng nī? Éng gōng, Ô ồ, sū káng-giéng gi cing-hing, sāi nguāi ô nộh uōng, iā ô nộh giāng. Sék-sê gōng, Nā gáuk-iōng gi dāi, nū dū diōh gé diāng-diāng, kēk cuoi miēng-lậ nū cē-gă, hiēu-dék gāng-gīng kó giāng sēng-dāu gi diô. Ciā si-hāiu Gī-Dók-dú bô buōh kī iēu-dái, siōng cēu buōh kī-sīng, Sék-sê cēu cēuk-hók ī gōng, Gī-Dók gi hō muōng-sēng,

nguông Bō-Hiê-Sŭ si-siông bō-hô nŭ, liêng
 ìng-dô đik giàng tiềng-siàng gi diô, ìng
 ciông-uâng Gĩ-Dók-dù bô kī-sing, bô hiông
 sêng cái giàng, chói lă cêu chiông,
 Lái sŭ dáik giéng chók gi cing,
 Cháik ngō đik chŭ hiэк lô ting,
 Bō hóng cŭ đeu si bék niêng,
 Sêng-Sing sэк sê gĭk gŏ ming.

Ciā si-hâu nguāi cộ máeng, giéng Gĩ-Dók-
 dù sêng-dâu gi diô, liông bêng dŭ ô ùi
 chiông. Ciā chiông gi miàng giéu cộ cing-
 géu. Gĩ-Dók-dù cêu iŭ cī siŏh-dêu diô pâu
 kó, nâ ìng-ôi sŭ mái gi bấu-hŭk cêng dăeng,
 găng-náng bié dék ká. Ī-hâu ĩ bié gáu siŏh
 ôi-chéu, ià ô gèng gi dē-huông, gèng-ding ô
 siŏh-ciáh sэк-cê-gá, â-dā ô kĕng muó. Gĩ-
 Dók-Dók-dù siŏh gáu hŭ-uái, ciā duái bấu-
 hŭk cêu cê-gă dăung lŏh li, dôi lŏh muó-diē,
 ĩ-hâu dŭ mậ cái káng-giéng.

Ciā si-hâu Gĩ-Dók-dù siŏh sĭng giéng-
 gáek cêng kó sĕng, sĭng-diē cêng kó huăng-
 hī gōng, Nguāi Ciō sêu kŭ, sĕu nguāi dáik
 uăk. Ỗh-ciông-uâng cêu kiê hiā ôi-chéu,
 muông chéu muông chăuk-ngăuk, ìng-ôi siŏh
 giéng diŏh sэк-cê-gá, ciā piăng siông gi

duai bâu-hũk cêu ậ tuák-liê kó, ïng-chũ giéng
 cêng kó hĩ-gi, gó-chũ káng lâu bô káng,
 sïng-diē giéng-gáek duai gāng-dông, ng
 giéng-gáek lâu mễk-cāi. Ciā si-hāiu gó lā
 kiē hũ-uái, muōng káng muōng lâu mễk-cāi,
 huók-iòng-gǎng ô sǎng-ôi gĩk guōng-ming
 gi nệng lí, gǎeng ĩ gōng, Nguōng nũ bing-
 ǎng. Siōh-ciáh gǎeng ĩ gōng, Nũ cội siá
 lâu; siōh-ciáh tá ĩ gǎ kó puái gi ĩ-siòng,
 uāng ciā bǎh gi ĩ-siòng kéuk ĩ sệung; siōh-
 ciáh niềng siōh-lǎk gi éng, éng lờ ĩ nghiáh-
 tǎu lā, bô ciōng ciā bing-géu gi kié-guóng,
 gǎu kéuk ĩ, méng siōng gék siōh-lǎk éng,
 hũng-hó giǎng diô si-hāiu kũi kī káng, iők-
 sũ giǎng gǎu tiềng muòng, cêu ciōng ciā kié-
 guóng dạ siōng kó, gōng uòng ciā uā, ciā
 sǎng-ôi gĩk guōng-ming gi nệng cêu kó. Ciā
 si-hāiu Gĩ-Dók-dú huǎng-hĩ gōng mậ cêng,
 dòng kǎ páh ciōng cêng kó dáik é, hióng
 sềng cái kó, cêu chióng-sĩ,

Gĩng guǎng siōng gá ả kũng ïng,

Cội êng dóng kǎi ngō dáik sềng,

Cũ dái ự uòng sǐng bê dềng,

Uāng niềng lők sệung Cũ ïng ming.

Dòng ciā si-hāiu, Gĩ-Dók-dú gi cing-hing

gáu ciā sék, iâ ô sĭ cộ céng-giéng,
 Ĩ ỳ siók bĕk bĭ hộ ỉng,
 Huǎng giéng gĕu cỉng sék uâng sĭng,
 Mi sê lĭk gũng ciă cội tǎ,
 Huá mộ ả chák biêu huá sĭng.

Tiếng-Lô Lĭk-Tiàng
 Guōng Ék Cŭng.

